



**ՀԱՍՏԱՏՎԱԾ Է
ՀԱՅԱՍՏԱՆԻ ՖՈՒՏԲՈԼԻ ՖԵԴԵՐԱՑԻԱՅԻ
ԳՈՐԾԱԴԻՐ ԿՈՄԻՏԵԻ
2007Թ. ՄԱՐՏԻ 23-Ի ՈՐՈՇՄԱՄԲ**

***ՀԻԲ ՖՈՒՏԲՈԼԻՍՏՆԵՐԻ
ԿԱՐԳԱՎԻՃԱԿԻ ԵՎ ՏԵՂԱՓՈԽՈՒԹՅԱՆ
ԿԱՆՈՆԱԿԱՐԳ***

**ՀՖՖ-Ի ՖՈՒՏԲՈԼԻՍՏՆԵՐԻ ԿԱՐԳԱՎԻՃԱԿԻ ԵՎ ՏԵՂԱՓՈԽՈՒԹՅԱՆ
ԿԱՆՈՆԱԿԱՐԳ**

ԲՈՎԱՆԴԱԿՈՒԹՅՈՒՆ

Գլուխ 3ոդված	Էջ
ՍԱՀՄԱՆՈՒՄՆԵՐ	3
I. ՆԵՐԱԾԱԿԱՆ ԴՐՈՒՅԹՆԵՐ	4
1 - Գործողությունների շրջանակը	
II. ԽԱՂԱՑՈՂՆԵՐԻ ԿԱՐԳԱՎԻՃԱԿԸ	4
2 - Խաղացողների կարգավիճակը	
3 - Սիրողական կարգավիճակի վերականգնումը	
4 - Գրանցման պահպանումը գործունեության դադարեցումից հետո	
III. ԽԱՂԱՑՈՂՆԵՐԻ ԳՐԱՆՑՈՒՄԸ	5
5 - Գրանցումը	
6 - Գրանցման ժամանակահատվածները	
7 - Ֆուտբոլիստի անձնագիրը	
8 - Գրանցման դիմումը	
9 - Միջազգային տրանսֆեր	
10 - Ներքին տեղափոխություն	
11 - Խաղացողների վարձակալումը	
IV. ՊԱՅՄԱՆԱԳՐԱՅԻՆ ԿԱՅՈՒՆՈՒԹՅԱՆ ՊԱՀՊԱՆՈՒՄԸ ՊՐՈՖԵՍԻՈՆԱԼ ՖՈՒՏԲՈԼԻՍՏՆԵՐԻ ԵՎ ԱԿՈՒՄԲՆԵՐԻ ՄԻՋԵՎ	7
12 - Պրոֆեսիոնալ ֆուտբոլիստի և Ակումբի հարաբերությունները	
13 - Պրոֆեսիոնալ ֆուտբոլիստի և Ակումբի միջև կնքվող պայմանագրի հատուկ պայմաններ	
14 - Պայմանագրի գրանցումը	
15 – Պայմանագրի դադարեցումը հիմնավոր դրդապատճառներով	
16 - Պայմանագրի դադարեցումը մարզական տեսանկյունից հիմնավոր դրդապատճառներով	
17 - Խաղաշրջանի ընթացքում պայմանագրի դադարեցման սահմանափակում	
18 - Առանց հիմնավոր դրդապատճառի պայմանագրի դադարեցման արդյունքում ծագող հետևանքները	
V. ՍԱՐՁՈՒՄԱՅԻՆ ՓՈԽՅԱՏՈՒՑՈՒՄԸ ԵՎ ՀԱՄԵՐԱՇԽՈՒԹՅԱՆ ՄԵԽԱՆԻՉՄԱՆ	9
19 - Պրոֆեսիոնալ ֆուտբոլիստի մարզումային փոխհատուցումը	
20 - Սիրողական ֆուտբոլիստի մարզումային փոխհատուցումը	
21 - Համերաշխության մեխանիզմը	
VI. ՎԵՃԵՐԻ ԼՈՒԾՄԱՆ ԿԱՐԳԸ	10
22 - Խաղացողների կարգավիճակի և տեղափոխության կոմիտե	
23 - Կոմիտեի իրավասությունները	

24 - Կոմիտե դիմումներ և առարկություններ ներկայացնելու կարգը	
25 - Վեճերի քննարկման կարգը	
26 - Որոշում ընդունելու կարգը	
27 - Վեճի վարույթը բացառող հանգամանքներ, վարույթի կասեցումը և կարճումը	
28 - Բացարկներ	
29 - Բաղոքարկման կոմիտե	
VII. ԵԶՐԱՓՈՎԿԻՉ ԴՐՈՒՅԹՆԵՐ	13
30 - Կանոնակարգի ուժի մեջ մտնելը	
31 - Պատասխանատվությունը կանոնակարգի դրույթները խախտելու համար	
Չավելված 1. Ֆուտբոլիստների ազատ արձակումը ՀՀ Ազգային հավաքականներում հանդես գալու համար	14
Չավելված 2. Աշխատանքային պայմանագրի նվազագույն պահանջները, տիպային օրինակ	16
Չավելված 3. Միջազգային տրանսֆերը և ներքին տեղափոխությունը կարգավորող ընթացակարգ	23
Չավելված 4. Մարզումային փոխհատուցումը	26
Չավելված 5. Համերաշխության մեխանիզմը	29
Չավելված 6. Խաղացողների գրանցման դիմումի տիպային օրինակ	30
Չավելված 7. Մարզումային ծախսերն ըստ Ակումբների կարգերի	31
Չավելված 8. Ֆուտզալի խաղացողների կարգավիճակի և տեղափոխության կանոնները	32
Չավելված 9. Պատասխանատվությունը կանոնակարգի դրույթները խախտելու համար	33

ՍԱՐՄԱՆՈՒՄՆԵՐ

Սույն Կանոնակարգում օգտագործված հասկացությունների սահմանումները.

1. **Ասոցիացիա (Ընկերակցություն)**-Տվյալ երկրի ՖԻՖԱ-ին անդամագրված ֆուտբոլային ղեկավար կառույց
2. **Նախկին Ասոցիացիա** - Այն ասոցիացիան է, որին պատկանել է նախկին Ակումբը
3. **Նոր Ասոցիացիա** - Այն ասոցիացիան է, որին անդամագրված է նոր Ակումբը
4. **Ակումբ** - Իրավաբանական անձ՝ անկախ կազմակերպատիրավական ձևից կամ կազմակերպություն, որը թիմ(եր) է ներկայացնում ՀՖՖ-ի հովանու ներքո անցկացվող մրցումներին, ներդրումներ է կատարում ֆուտբոլիստների մարզման և ուսուցման ոլորտներում
5. **Նախկին Ակումբ** - Այն ակումբն է, որը լքում է ֆուտբոլիստը
6. **Նոր Ակումբ** - Այն ակումբն է, որին ֆուտբոլիստն անդամագրվում է
7. **Կազմակերպված ֆուտբոլ** – ՖԻՖԱ-ի, ՈՒԵՖԱ-ի կամ ՀՖՖ-ի հովանու ներքո կազմակերպված կամ նրանց կողմից լիազորված մրցումներ
8. **Պաշտոնական խաղեր** – Կազմակերպված ֆուտբոլի շրջանակներում անցկացվող խաղեր, ինչպիսիք են ազգային առաջնությունների, գավաթի խաղարկությունների, ակումբային միջազգային մրցաշարերի խաղերը, բայց ոչ ընկերական և փորձնական հանդիպումները
9. **Պաշտպանված ժամանակահատված** - Մինչև 28 տարեկան Պրոֆեսիոնալ ֆուտբոլիստի՝ կնքված պայմանագիրն ուժի մեջ մտնելուց հետո երեք տարվա կամ երեք ամբողջական Մրցաշրջանների ժամանակահատվածն է: Եթե Պրոֆեսիոնալ ֆուտբոլիստը պայմանագիրը կնքել է 28 տարին լրանալուց հետո, ապա Պաշտպանված ժամանակահատվածը պայմանագիրն ուժի մեջ մտնելուց հետո երկու տարվա կամ երկու ամբողջական մրցաշրջանների ժամանակահատվածն է
10. **Գրանցման ժամանակահատված** – Ժամանակահատված, որի ընթացքում թույլատրված է ֆուտբոլիստի տեղափոխությունը մեկ Ակումբից մյուս Ակումբ ապագա կամ ընթացիկ մրցումներին մասնակցելու համար
11. **Մրցաշրջան** – Ֆուտբոլային տարվա կտրվածքով առաջին Պաշտոնական խաղով սկսվող և վերջին Պաշտոնական խաղով վերջացող ժամանակահատված
12. **Մարզումային փոխհատուցում** – Խաղացողների մարզումն ու զարգացումն ապահովելու նպատակով Ակումբի կողմից կատարված ուղղակի ներդրումների փոխհատուցում
13. **Միջազգային տրանսֆեր** - Խաղացողների տեղափոխությունը որևէ ասոցիացիայի ակումբից մեկ ուրիշ ասոցիացիայի ակումբ
14. **Ներքին տեղափոխություն** - Խաղացողների տեղափոխությունը ՀՖՖ-ի որևէ ակումբից մեկ ուրիշ ակումբ
15. **Պրոֆեսիոնալ ֆուտբոլիստ** - Պրոֆեսիոնալ կարգավիճակ ունեցող ֆուտբոլիստ
16. **Սիրողական ֆուտբոլիստ** - Սիրողական կարգավիճակ ունեցող ֆուտբոլիստ
17. **Ֆուտզալ** - Ֆուտբոլ մարզածն է, որը պետք է խաղալ համաձայն ֆուտզալի խաղի կանոնների՝ թողարկված ՖԻՖԱ-ի և Միջազգային ֆուտբոլային ասոցիացիաների խորհրդի ենթակոմիտեի համատեղ գործակցությամբ
18. **Ֆուտբոլիստի անձնագիր** – ՀՖՖ-ի կողմից խաղացողին տրամադրված անձնագիր

Ծանոթություն: Անձանց վերաբերող տերմինները վերաբերում են երկու սեռերին: Յուրաքանչյուր եզակի հասկացությունը կիրառվում է նաև հոգնակի տարբերակով և հակառակը:

I. ՆԵՐԱԾԱԿԱՆ ԴՐՈՒՅԹՆԵՐ

Յոդված 1. Գործողությունների շրջանակը

1. Սույն Կանոնակարգով կարգավորվում են.

- ֆուտբոլիստի կարգավիճակը,
- ֆուտբոլիստի՝ Կազմակերպված ֆուտբոլին մասնակցելու կանոնները,
- ֆուտբոլիստի՝ ակումբից ակումբ տեղափոխության կանոնները,
- ֆուտբոլիստի (ֆուտբոլիստին ներկայացնող անձանց) և ակումբների միջև ծագած վեճերը,
- Ակումբների կողմից ֆուտբոլիստի ազատ արձակումն ազգային հավաքական թիմերում հանդես գալու համար (հավելված 1):

2. Սույն կանոնակարգը նախատեսում է նաև երիտասարդ խաղացողների մարզումների և ուսուցման ոլորտներում ներդրումներ կատարող Ակումբների խրախուսման համակարգ:

II. ԽԱՂԱՑՈՂՆԵՐԻ ԿԱՐԳԱՎԻՃԱԿԸ

Յոդված 2. Խաղացողների կարգավիճակը

1. Կազմակերպված ֆուտբոլին մասնակցող խաղացողները կարող են ունենալ սիրողական կամ պրոֆեսիոնալ կարգավիճակ:

2. Պրոֆեսիոնալն այն խաղացողն է, ով ՀՀ օրենսդրությամբ սահմանված կարգով ունի կնքված պայմանագիր որևէ Ակումբի հետ և վարձատրվում է ավելին, քան ֆուտբոլային գործունեության կապակցությամբ իր կողմից կատարվող փաստացի ծախսերն են: Մյուս բոլոր խաղացողները համարվում են սիրողական կարգավիճակ ունեցող (ոչ պրոֆեսիոնալ):

Յոդված 3. Սիրողական կարգավիճակի վերականգնումը

1. Պրոֆեսիոնալ ֆուտբոլիստը կարող է վերագրանցվել որպես սիրողական՝ անցկացրած վերջին Պաշտոնական խաղից առնվազն 30 օր հետո:

2. Ֆուտբոլիստի Սիրողական կարգավիճակի վերականգնման դեպքում որևէ փոխհատուցում չի նախատեսվում: Եթե խաղացողի սիրողական կարգավիճակը վերականգնելուց հետո 30 ամսվա ընթացքում նա վերագրանցվում է որպես պրոֆեսիոնալ, ապա նոր Ակումբը պետք է նրան Մարզումային փոխհատուցում վճարի՝ համաձայն հոդված 20-ի:

Յոդված 4. Գրանցման պահպանումը գործունեության դադարեցումից հետո

1. Պրոֆեսիոնալ կամ սիրողական կարգավիճակ ունեցող խաղացողները, ովքեր դադարեցնում են իրենց գործունեությունը, մնում են գրանցված ՀՖՖ-ում՝ նրանց անցկացրած վերջին Պաշտոնական խաղից հետո 30 ամիսների ընթացքում:

2. Վերոնշյալ ժամանակահատվածը սկսվում է այն օրվանից, երբ խաղացողն Ակումբի թիմի կազմում վերջին անգամ մասնակցում է Պաշտոնական խաղին:

III. ԽԱՂԱՑՈՂՆԵՐԻ ԳՐԱՆՑՈՒՄԸ

Յոդված 5. Գրանցումը

1. Խաղացողը պետք է Ակումբի կողմից գրանցվի ՉՖՖ-ում: Միայն գրանցված խաղացողն իրավունք ունի մասնակցելու Կազմակերպված ֆուտբոլին: Գրանցվելով՝ խաղացողը պարտավորվում է ենթարկվել ՖԻՖԱ-ի, ՈՒԵՖԱ-ի և ՉՖՖ-ի հիմնարար դրույթների պահանջներին:
2. Նույն խաղացողը տվյալ ժամանակահատվածում է գրանցված լինել միայն մեկ Ակումբում:
3. Խաղացողները տվյալ տարվա ապրիլի 25-ից մինչև հաջորդ տարվա ապրիլի 24-ը ընկած ժամանակահատվածում կարող են գրանցված լինել առավելագույնը երեք Ակումբներում: Այս ընթացքում տվյալ խաղացողն իրավունք ունի մասնակցելու միայն երկու Ակումբների Պաշտոնական խաղերին:

Յոդված 6. Գրանցման ժամանակահատվածները

1. Խաղացողների գրանցման համար սահմանվել են հետևյալ ժամանակահատվածները՝ փետրվարի 1-ից մինչև ապրիլի 25-ը և հուլիսի 25-ից մինչև օգոստոսի 22-ը:
2. Խաղացողները կարող են գրանցվել ՉՖՖ-ի սահմանած Գրանցման ժամանակահատվածներից յուրաքանչյուրում: Պրոֆեսիոնալ խաղացողը, որի պայմանագրի ավարտը համընկնում է Գրանցման ժամանակահատվածի ավարտի հետ, բացառության կարգով կարող է վերագրանցվել, եթե այն թելադրված է մարզական հանգամանքներով, և եթե Ակումբի կողմից դիմումը ներկայացվել է Գրանցման ժամանակահատվածում:
3. Սիրողականի կարգավիճակ ունեցող ֆուտբոլիստների գրանցումը կատարվում է առանց ժանկետային սահմանափակումների:

Յոդված 7. Ֆուտբոլիստի անձնագիրը

1. 12 տարին լրացած յուրաքանչյուր խաղացող պետք է ունենա Ֆուտբոլիստի անձնագիր, որում նշվում են բոլոր այն Ակումբները, որտեղ նա գրանցված է եղել իբրև խաղացող: Եթե խաղացողի ծննդյան օրը համընկնում է Մրցաշրջանների միջև ընկած ժամանակահատվածի հետ, ապա Անձնագրի մեջ պետք է նշվի այն Ակումբը, որտեղ նա գրանցված է եղել իր ծննդյան օրվան հաջորդող Մրցաշրջանում:
2. Սկսնակ ֆուտբոլիստին Ակումբը պարտավոր է գրանցել ՉՖՖ-ում և ստանալ համապատասխան Ֆուտբոլիստի անձնագիր:
3. ՉՖՖ-ն վարում է ֆուտբոլիստի էլեկտրոնային անձնագիրը, իսկ անձնագրի բնօրինակը պահվում է գրանցող Ակումբում:
4. Միջազգային տրանսֆերի դեպքում Ֆուտբոլիստի անձնագրի ստացումը (ուղարկումը) ապահովում է ՉՖՖ-ն:
5. Խաղացողի յուրաքանչյուր տեղափոխության ժամանակ Ֆուտբոլիստի անձնագիրը փոխանցվում է նախկին Ակումբից նոր Ակումբ: Ակումբը պատասխանատու է անձնագրի պահպանման համար: Անձնագրի կորստի դեպքում ՉՖՖ-ն կարող է տրամադրել կրկնօրինակը՝ Ակումբի կողմից համապատասխան տուգանք վճարելուց հետո:

Յոդված 8. Գրանցման դիմումը

1. Խաղացողին գրանցելու համար Ակումբը ՉՖՖ պետք է ներկայացնի.

- սահմանված ձևի դիմում (հավելված 6),
- Ֆուտբոլիստի անձնագիրը (բացառությամբ 1-ին գրանցման),
- գունավոր լուսանկար (4,5x3,5),
- ֆուտբոլիստի քաղաքացիական անձնագիրը կամ բացակայության դեպքում անձը հաստատող այլ փաստաթուղթ,
- պայմանագրի բնօրինակը (ներկայացվում է Պրոֆեսիոնալ ֆուտբոլիստ գրանցելու դեպքում):

2.16 տարին չլրացած ֆուտբոլիստների համար քաղաքացիական անձնագրի բացակայության դեպքում ներկայացվում են ծննդյան վկայական և ուսումնական հաստատությունից տեղեկանք՝ աշակերտի լուսանկարով (գունավոր), նաև պետք է նշված լինեն ազգանունը, անունը, հայրանունը: Տեղեկանքը ստորագրվում է ուսումնական հաստատության տնօրենի կողմից և կնքվում (կնիքը պետք է մասամբ ներառի աշակերտի լուսանկարը):

Հոդված 9. Միջազգային տրանսֆեր

1.Միջազգային տրանսֆերի դեպքում խաղացողները գրանցվում են ՀՖՖ-ում ՖԻՖԱ-ի «խաղացողների կարգավիճակի և տեղափոխության կանոնակարգի» և սույն կանոնակարգի դրույթներին համապատասխան:

Հոդված 10. Ներքին տեղափոխություն

1.Ներքին տեղափոխության դեպքում խաղացողները գրանցվում են ՀՖՖ-ում ՀՀ օրենսդրության և սույն կանոնակարգի դրույթներին համապատասխան:

Հոդված 11. Խաղացողների վարձակալումը

1.Պրոֆեսիոնալ ֆուտբոլիստը կարող է վարձակալվել մեկ այլ Ակումբի կողմից իր և Ակումբների միջև կնքված գրավոր համաձայնագրի հիման վրա: Յուրաքանչյուր այսպիսի վարձակալում կարգավորվում է խաղացողների տեղափոխության ժամանակ կիրառվող նույն կանոններով՝ ներառյալ Մարզումային փոխհատուցման և Համերաշխության մեխանիզմին վերաբերող դրույթները:

2. Վարձակալման նվազագույն ժամկետը պետք է լինի գրանցման երկու ժամանակահատվածների միջև ընկած ժամանակահատվածը:

3. Խաղացողին վարձակալման հիմունքներով ընդունած Ակումբը իրավասու չէ նրան տեղափոխելու որևէ երրորդ Ակումբ՝ առանց խաղացողի և նրան վարձակալության տրամադրող Ակումբի գրավոր համաձայնության:

**IV. ՊԱՅՄԱՆԱԳՐԱՅԻՆ ԿԱՅՈՒՆՈՒԹՅԱՆ ՊԱՅՊԱՆՈՒՄԸ
ՊՐՈՖԵՍԻՈՆԱԼ ՖՈՒՏԲՈԼԻՍՏՆԵՐԻ ԵՎ ԱԿՈՒՄԲՆԵՐԻ ՄԻՋԵՎ**

Հոդված 12. Պրոֆեսիոնալ ֆուտբոլիստի և Ակումբի հարաբերությունները

1.Պրոֆեսիոնալ ֆուտբոլիստի և Ակումբի միջև հարաբերությունները կարգավորվում են ՀՀ օրենսդրությամբ, ՖԻՖԱ, ՈՒԵՖԱ, ՀՖՖ կանոնակարգող փաստաթղթերով և սույն կանոնակարգով:

2.Պրոֆեսիոնալ ֆուտբոլիստի և Ակումբի իրավունքներն ու պարտականություններն արտացոլվում են սահմանված կարգով կնքված աշխատանքային պայմանագրում:

3. Պրոֆեսիոնալ ֆուտբոլիստը իրավունք չունի նույն ժամանակահատվածի համար մեկից ավելի աշխատանքային պայմանագրեր կնքելու (բացառությամբ վարձակալության դեպքի):
4. Պրոֆեսիոնալ ֆուտբոլիստի և Ակումբի միջև ֆինանսական և/կամ այլ կոնտրակտ գաղտնիք պարունակող հարաբերությունները կարող են արտացոլվել պայմանագրին կից կնքվող հավելվածում(ներում): Հավելվածի(ների) առկայության մասին պետք է նշված լինի աշխատանքային պայմանագրի հիմնական տեքստում:
5. Աշխատանքային պայմանագրին կից կնքվող հավելվածի(ների) գրանցումը ՀՖՖ-ում պարտադիր չէ, սակայն համապատասխան վեճերի առկայության դեպքում` ՀՖՖ-ի խաղացողների կարգավիճակի և Տեղափոխության կոմիտեի պահանջով ենթակա է պարտադիր ներկայացման:
6. Աշխատանքային պայմանագիրը, կից հավելվածները, փոփոխություններն ու լրացումները և լրացուցիչ համաձայնությունները կազմվում են գրավոր, երեք օրինակից և կողմերի կողմից ստորագրվում են էջ առ էջ:
7. Պայմանագրի նվազագույն պահանջները, ինչպես նաև տիպային օրինակը ներկայացված են հավելված 2-ում:

Հոդված 13. Պրոֆեսիոնալ ֆուտբոլիստի և Ակումբի միջև կնքվող պայմանագրի հատուկ պայմաններ

1. Պրոֆեսիոնալ ֆուտբոլիստի և Ակումբի միջև կնքվող պայմանագրում պետք է նշվեն նաև այն անձանց տվյալները, ովքեր ներգրավված են եղել բանակցություններում կամ պայմանագրի կնքման գործընթացում (խաղացողի օրինական ներկայացուցիչ, խաղացողի զործակալ, թարգմանիչ և այլն):
2. Պայմանագրի նվազագույն տևողությունը կարող է լինել պայմանագիրը ուժի մեջ մտնելու պահից մինչև տվյալ Սրբաշրջանի ավարտը, իսկ առավելագույն տևողությունը` 5 տարի:
3. Տասնութ տարին չլրացած ֆուտբոլիստը չի կարող կնքել պայմանագիր երեք տարուց ավել ժամկետով:
4. Աշխատանքային պայմանագիր կարող է ստորագրել միայն 16 տարին լրացած ֆուտբոլիստը: 14-16 տարեկան ֆուտբոլիստի հետ պայմանագիր կարող է կնքվել ծնողներից մեկի, որդեգրողի կամ հոգաբարձուի գրավոր համաձայնությամբ: 14 տարին չլրացած ֆուտբոլիստի հետ աշխատանքային պայմանագիր կնքելն արգելվում է:
5. Պրոֆեսիոնալ ֆուտբոլիստի հետ պայմանագիր կնքել ցանկացող Ակումբը պետք է մինչև բանակցություններ սկսելը իր մտադրության մասին գրավոր տեղեկացնի Պրոֆեսիոնալ ֆուտբոլիստի ներկա Ակումբին:
6. Պրոֆեսիոնալ ֆուտբոլիստն իրավասու է կնքելու պայմանագիր որևէ այլ Ակումբի հետ, եթե իր Ակումբի հետ գործող պայմանագիրն ավարտվել է կամ կավարտվի վեց ամսից ոչ ուշ: Այս դրույթի յուրաքանչյուր խախտում ենթակա է համապատասխան պատժամիջոցների:
7. Պայմանագրի գործողությունը չի կարող կախված լինել խաղացողի բժշկական հետազոտության արդյունքներից և/կամ աշխատանքի թույլտվության հանգամանքից:
8. Եթե խաղացողը մարզումների, հավաքների, խաղերի կամ մրցուղևորության ժամանակ ստացած խեղման /վնասվածք/ հետևանքով կորցրել է աշխատունակությունը, ապա նրա հետ կնքված աշխատանքային պայմանագիրը չի կարող լուծվել ակումբի նախաձեռնությամբ` առանց ֆուտբոլիստի համաձայնության մինչև նրա աշխատունակության վերականգնումը կամ հաշմանդանության կարգի որոշումը:

Հոդված 14. Պայմանագրի գրանցումը

1. Ակումբի և ֆուտբոլիստի միջև կնքված պայմանագիրը, ինչպես նաև նրանում բոլոր փոփոխությունները և լրացումները ենթակա են գրանցման ՀՖՖ-ում՝ 15-օրյա ժամկետում:
2. ՀՖՖ ներկայացվում են պայմանագրի բնօրինակները, որոնցից երկուսը համապատասխան գրանցում ստանալուց հետո վերադարձվում են Ակումբին:
3. Չգրանցված պայմանագրերը չեն կարող հիմք հանդիսանալ Ակումբի և Պրոֆեսիոնալ ֆուտբոլիստի միջև պայմանագրային վեճերի քննարկման դեպքում:

Հոդված 15. Պայմանագրի դադարեցումը հիմնավոր դրդապատճառներով

1. Պայմանագիրը կարող է միակողմանի, առանց հետևանքների (փոխհատուցման վճարում կամ մարզական պատժամիջոցներ) դադարեցվել՝ միայն հիմնավոր դրդապատճառների առկայության դեպքում:

Հոդված 16. Պայմանագրի դադարեցումը մարզական տեսանկյունից հիմնավոր դրդապատճառներով

1. Պրոֆեսիոնալ ֆուտբոլիստը, որը Սրցաշրջանի ընթացքում մասնակցել է իր Ակումբի անցկացրած 10%-ից քիչ Պաշտոնական խաղերի, կարող է վաղաժամ, Սրցաշրջանի ավարտին, դադարեցնել պայմանագիրը մարզական դրդապատճառներով: Նման դեպքերում գնահատական տալիս հատուկ ուշադրություն է դարձվում ֆուտբոլիստին վերաբերող հանգամանքներին: Եթե պայմանագրի դադարեցումը հիմնավորված է մարզական տեսանկյունից, ապա մարզական պատժամիջոցներ չեն կիրառվում, սակայն պայմանագրում նշված փոխհատուցումը պետք է իրականացվի: Ըստ այդմ՝ Պրոֆեսիոնալ ֆուտբոլիստը կարող է դադարեցնել պայմանագիրն իր Ակումբի մրցաշրջանի վերջին Պաշտոնական խաղից հետո 15-օրյա ժամկետում:

Հոդված 17. Խաղաշրջանի ընթացքում պայմանագրի դադարեցման սահմանափակում

1. Պայմանագիրը չի կարող միակողմանի դադարացվել Սրցաշրջանի ընթացքում:

Հոդված 18. Առանց հիմնավոր դրդապատճառի պայմանագրի դադարեցման արդյունքում ծագող հետևանքները

Առանց հիմնավոր դրդապատճառի պայմանագիրը միակողմանի դադարեցնելու դեպքում սահմանվում է հետևյալը.

1. Ամեն դեպքում պայմանագիրը դադարեցնող կողմը պետք է վճարի փոխհատուցում: Հաշվի առնելով Սարգումային փոխհատուցման վերաբերյալ 4-րդ հավելվածի դրույթները, ինչպես նաև այն, որ եթե պայմանագրով այլ բան նախատեսված չէ, ապա խախտման դիմաց փոխհատուցումը պետք է հաշվարկել՝ հավուր պատշաճի հաշվի առնելով ՀՀ օրենսդրությունը, մարզական առանձնահատկությունները և ցանկացած այլ օբյեկտիվ չափանիշներ: Վերջիններս մասնավորապես ընդգրկում են.

- առկա և/կամ նոր պայմանագրի համաձայն ֆուտբոլիստին հասանելիք վարձավճարները և այլ եկամուտներ,
- մինչև պայմանագրի ավարտը մնացած ժամանակամիջոցը (առավելագույնը մինչև 5 տարի),
- Նախկին Ակումբի կողմից վճարված գումարները և ծախսերը (ամորտիզացիոն նկատառումներով բաշխված պայմանագրի գործողության ողջ ժամկետի վրա);

- պայմանագրի դադարեցումը տեղի է ունեցել Պաշտպանված ժամանակահատվածի ընթացքում:

2. Փոխհատուցման իրավունքը չի կարող փոխանցվել երրորդ կողմին: Եթե Պրոֆեսիոնալ ֆուտբոլիստը պետք է փոխհատուցում վճարի, ապա տվյալ ֆուտբոլիստը և նրա նոր Ակումբը հավասարաչափ պատասխանատվություն են կրում այդ վճարումների համար: Գումարի չափը կարող է նախատեսվել պայմանագրով կամ համաձայնեցվել կողմերի միջև:

3. Պաշտպանված ժամանակահատվածում ֆուտբոլիստի կողմից պայմանագիրը միակողմանի դադարեցնելու դեպքում փոխհատուցման պարտավորությունից բացի կարող են կիրառվել նաև մարզական պատժամիջոցներ: Առանց հիմնավոր կամ մարզական տեսանկյունից հիմնավոր դրոպապատճառների Պաշտպանված ժամանակահատվածից դուրս պայմանագիրը միակողմանի դադարեցնելու դեպքում մարզական պատժամիջոցներ չեն կիրառվում: Այդ դեպքում պայմանագրի վաղաժամկետ դադարեցման վերաբերյալ կողմ(եր)ը համապատասխան ծանուցում պետք է ներկայացնի ՌՖՖ՝ Սրբաշրջանի ավարտից հետո 15-օրյա ժամկետում: Պաշտպանված ժամանակահատվածը վերսկսվում է պայմանագրի նորացման դեպքում, եթե նախկին պայմանագրի ժամկետն ավարտվել է:

4. Պաշտպանված ժամանակահատվածում Ակումբի կողմից պայմանագիրը դադարեցնելու կամ դադարեցում հրահրելու մեջ մեղավոր ճանաչվելու դեպքում փոխհատուցում վճարելու պարտավորությունից բացի կիրառվում են նաև մարզական պատժամիջոցներ: Ենթադրվում է, որ առանց հիմնավոր դրոպապատճառի պայմանագիրը դադարեցրած պրոֆեսիոնալի հետ նոր պայմանագիր ստորագրած Ակումբն է հրահրել նրան նման գործողությունների, եթե չի ապացուցվում հակառակը:

5. Յուրաքանչյուր անձի (Ակումբների պաշտոնյաների, խաղացողների գործակալների, խաղացողների) նկատմամբ կիրառվում են պատժամիջոցներ, եթե նա փորձում է իր գործողություններով պայմանագրի խզում հրահրել Ակումբի և պրոֆեսիոնալ ֆուտբոլիստի միջև՝ վերջինիս տեղափոխությունը հեշտացնելու նպատակով:

V. ՍԱՐԶՈՒՄԱՅԻՆ ՓՈԽՐԱՏՈՒՑՈՒՄԸ ԵՎ ՀԱՄԵՐԱՇԽՈՒԹՅԱՆ ՄԵԽԱՆԻԶՄԸ

Հոդված 19. Պրոֆեսիոնալ ֆուտբոլիստի Մարզումային փոխհատուցումը

1. Մարզումային Փոխհատուցում պետք է վճարվի Պրոֆեսիոնալ ֆուտբոլիստին մարզած, կրթած Ակումբին(ներին)

ա/ եթե խաղացողը ստորագրում է իր առաջին Պրոֆեսիոնալ պայմանագիրը;

բ/ երբ Պրոֆեսիոնալ ֆուտբոլիստը տեղափոխվում է մի Ակումբից մյուսը (պայմանագրի ընթացքում կամ ավարտից հետո)

մինչև իր 23-րդ տարեդարձի Սրբաշրջանի ավարտը:

2. Մարզումային փոխհատուցում վճարելու պարտավորությունը ծագում է, եթե Պրոֆեսիոնալ ֆուտբոլիստի տեղափոխությունը տեղի է ունենում նախքան նրա 23 տարին լրանալը մինչև Սրբաշրջանի ավարտը:

3. Մարզումային փոխհատուցմանը վերաբերող բոլոր դրույթները շարադրված են սույն Կանոնակարգի հավելված 4-ում:

Հոդված 20. Սիրողական ֆուտբոլիստի Մարզումային փոխհատուցումը

1. Մարզումային փոխհատուցում պետք է վճարվի 12 տարին լրացած Սիրողական ֆուտբոլիստի տեղափոխության ժամանակ, նրան մարզած, կրթած Ակումբին՝ համաձայն ՀՀ սահմանած ակումբների կարգերի և հաստատած դրույքաչափերի՝ հաշվի առնելով նախկին Ակումբի Սիրողական ֆուտբոլիստի ուսուցման և մարզման համար կատարած ներդրումների տարիների քանակը:
2. Մարզումային Փոխհատուցում չի վճարվում Սիրողական ֆուտբոլիստի տեղափոխության դեպքում, եթե նա Ակումբից Ակումբ է տեղափոխվել իր 23 տարին լրանալու Սրցաշրջանի ավարտից հետո:
3. Սիրողական ֆուտբոլիստների Մարզումային փոխհատուցմանը վերաբերող բոլոր դրույթները շարադրված են սույն Կանոնակարգի հավելված 4-ում:

Հոդված 21. Համերաշխության մեխանիզմը

1. Պայմանագրի գործողության ընթացքում Պրոֆեսիոնալ ֆուտբոլիստի տեղափոխության դեպքում նրան մարզած և կրթած ցանկացած Ակումբ պետք է ստանա իր մասնաբաժինը այն գումարից, որը վճարվում է ֆուտբոլիստի նախկին Ակումբին (համերաշխության վճար):
2. Համերաշխության մեխանիզմին վերաբերող բոլոր դրույթները շարադրված են սույն Կանոնակարգի հավելված 5-ում:

VI. ՎԵՃԵՐԻ ԼՈՒԾՄԱՆ ԿԱՐԳԸ

Հոդված 22. Խաղացողների կարգավիճակի և տեղափոխության կոմիտե

1. Խաղացողների կարգավիճակի և տեղափոխության կոմիտեն, հետայսու Կոմիտե, ՀՀ կանոնադրությամբ նախատեսված իրավական մարմին է, որը կոչված է կարգավորելու և լուծելու ֆուտբոլային սուբյեկտների միջև սույն կանոնակարգից բխող վեճերը:
2. Կոմիտեի նախագահը նշանակվում է ՀՀ Գործադիր կոմիտեի (հետայսու Գործկոմ) կազմից, իսկ Կոմիտեի մյուս անդամները հաստատվում են Գործկոմի կողմից Կոմիտեի նախագահի ներկայացմամբ:
3. Կոմիտեի գործունեությունը կարգավորվում է սույն կանոնակարգով և ՀՀ Գործկոմի կողմից հաստատված այլ նորմատիվ իրավական ակտերով:

Հոդված 23. Կոմիտեի իրավասությունները

1. Կոմիտեն սույն Կանոնակարգի համաձայն իրավասու է լուծելու ֆուտբոլային սուբյեկտների միջև ծագած հետևյալ վեճերը.
 - խաղացողների գրանցման պայմանների և կարգի խախտումների վերաբերյալ,
 - խաղացողի և ակումբի միջև աշխատանքային պայմանագրի կնքման և գրանցման կարգի խախտման վերաբերյալ,
 - աշխատանքային և վարձակալության պայմանագրերի դրույթների խախտման վերաբերյալ,
 - մրցումների մասնակից պաշտոնյաների պայմանագրերի խախտումների վերաբերյալ,
 - ֆուտբոլիստի պայմանագրային կայունության դրույթները խախտելու վերաբերյալ,
 - ազգային հավաքականներում հանդես գալու համար խաղացողին ազատ արձակելու կարգը խախտելու վերաբերյալ,

- մարզումային փոխհատուցման վճարման կարգն ու պայմանները խախտելու վերաբերյալ,
- համերաշխության մեխանիզմը խախտելու վերաբերյալ,
- ֆուտբոլային գործակալների հետ կնքված պայմանագրերի խախտումների վերաբերյալ,
- տրանսֆերային պայմանագրերի կնքման կարգի և պայմանների խախտումների վերաբերյալ:

2. Կոմիտեն իրավասու է քննարկելու և որոշումներ կայացնելու նաև ցանկացած այլ վեճերի վերաբերյալ, որոնք կապված են ֆուտբոլային սուբյեկտների՝ սույն կանոնակարգից բխող փոխհարաբերությունների հետ:

Ֆոդված 24. Կոմիտեին դիմումներ և առարկություններ ներկայացնելու կարգը

1. Դիմումները կոմիտեին ներկայացվում են գրավոր, որոնցում պետք է նշված լինեն.

- Կոմիտեի լրիվ անվանումը,
- դիմողի անունը, ազգանունը, հայրանունը և բնակության հասցեն (իրավաբանական անձի անվանումը և գտնվելու վայրի հասցեն),
- պատասխանողի անունը, ազգանունը, հայրանունը և բնակության հասցեն (իրավաբանական անձի անվանումը և գտնվելու վայրի հասցեն),
- դիմողի պահանջները, դիմումի հիմքում դրված հանգամանքները, ինչպես նաև պահանջների հիմնավորվածությունը հաստատող ապացույցները,
- կից ներկայացվող փաստաթղթերի ցանկը:

2. Դիմումը պետք է ստորագրված լինի դիմողի կամ նրա ներկայացուցչի կողմից: Ներկայացուցիչը դիմումի հետ միասին պետք է ներկայացնի նաև օրինական կարգով հաստատված լիազորագիր:

3. Բոլոր դիմումները ենթակա են պարտադիր գրանցման Կոմիտեի քարտուղարության կողմից, որտեղ էլ պահվում են դիմումի հիման վրա բացված վարույթները:

4. Սույն հոդվածի դրույթների խախտմամբ ներկայացված դիմումները Կոմիտեի կողմից ենթակա են վերադարձման: Կոմիտեն իրավասու է տրամադրելու ժամկետ խախտումները վերացնելու և կրկին դիմում ներկայացնելու համար:

5. Կոմիտեն տեղյակ է պահում պատասխանողներին և շահագրգիռ անձանց ստացված դիմումի մասին, որից հետո նրանք պարտավոր են 7-օրյա ժամկետում ներկայացնել առարկություններ (եթե այդպիսիք կան), ինչպես նաև դրանց հիմքում ընկած ապացույցները:

Ֆոդված 25. Վեճերի քննարկման կարգը

1. Կոմիտեն վեճերի քննարկմանը կարող է մասնակից դարձնել կողմերին, այլ շահագրգիռ անձանց:

2. Կոմիտեն կարող է քննարկվող վեճի վերաբերյալ առաջացած խնդրի շուրջ հարցումներ կատարել և անհրաժեշտ փաստաթղթեր պահանջել Ակումբից(ներից), ինչպես նաև անհրաժեշտության դեպքում դիմել համապատասխան կազմակերպություններին՝ փորձագիտական և մասնագիտական եզրակացություններ ստանալու համար: Ակումբը(ները) պարտավոր են հարցումը ստանալուց հետո 5-օրյա ժամկետում պատասխան ներկայացնել և տրամադրել անհրաժեշտ փաստաթղթերը:

3. Վեճի քննարկման ընթացքում Կոմիտեն հաշվի է առնում կողմերի միջև առկա բոլոր գրավոր պայմանավորվածությունները, դրանց համապատասխանությունը ՀՀ գործող

օրենսդրությամբ, ինչպես նաև ՖԻՖԱ-ի, ՈՒԵՖԱ-ի և ՉՖՖ-ի կանոնադրություններին և համապատասխան կանոնակարգերին:

4. Կոմիտեն ներկայացված յուրաքանչյուր ապացույց գնահատում է առկա բոլոր ապացույցների բազմակողմանի, լրիվ և օբյեկտիվ հետազոտմամբ:

5. Կոմիտեն պարտավոր է պահպանել վեճերի քննարկման գաղտնիությունը:

Ֆորմատ 26. Որոշում ընդունելու կարգը

1. Վեճն ըստ էության քննարկելուց հետո Կոմիտեն որոշում է կայացնում կողմերի բացակայությամբ:

2. Կոմիտեն պետք է որոշումը կայացնի դիմումը պատշաճ կարգով ստանալուց հետո **30 օրվա** ընթացքում: Առանձնահատուկ դեպքերում որոշման ընդունումը կարող է հետաձգվել մինչև **50** օր:

3. Կոմիտեն իրավագոր է որոշումներ կայացնելու այն դեպքում, երբ նիստին ներկա են Կոմիտեի անդամների կեսից ավելին:

4. Կոմիտեն իր որոշումներն ընդունում է նիստին ներկա անդամների ձայների պարզ մեծամասնությամբ: Ձայների հավասարության դեպքում Կոմիտեի նախագահի ձայնը վճռորոշ է:

5. Կոմիտեի որոշման մեջ պետք է նշվեն.

- որոշման կայացման տարին, ամիսը, ամսաթիվը,
- որոշման կայացման վայրը,
- որոշումը կայացրած Կոմիտեի կազմը,
- դիմումատուի անունը, ազգանունը, հայրանունը (իրավաբանական անձի անվանումը),
- դիմումատուի պահանջը(ները),
- վեճի էությունը,
- որոշումն ըստ էության:

6. Որոշումը ստորագրությամբ հանձնվում է կողմերին կամ կողմի պահանջով առաքվում է պատվիրված նամակով, որոշումը կայացնելուց հետո 3 օրվա ընթացքում:

7. Որոշումը կարող է բողոքարկվել ՉՖՖ Բողոքարկման կոմիտե, այն կայացվելուց հետո 10-օրյա ժամկետում:

8. Կոմիտեի որոշման բողոքարկումը չի կասեցնում որոշման կատարումը:

Ֆորմատ 27. Վեճի վարույթը բացառող հանգամանքներ, վարույթի կասեցումը և կարճումը

1. Կոմիտեն չի քննարկում այն վեճերը, որոնց հիմքում եղած հանգամանքների առաջացման պահից անցել է երկու տարի:

2. Կոմիտեն իրավասու է կասեցնելու վեճի վարույթը, եթե

- անհնար է տվյալ վեճի քննությունը մինչև սահմանադրական, քաղաքացիական, քրեական կամ վարչական դատավարության կարգով քննվող այլ գործով կամ հարցով որոշում կայացնելը,
- Կոմիտեի խնդրանքով համապատասխան մասնագետների կողմից նշանակվել է փաստաթղթերի փորձաքննություն,
- օբյեկտիվ հանգամանքներով պայմանավորված այլ դեպքերում:

Կոմիտեն վերսկսում է վեճի քննությունը կասեցման համար հիմք ծառայած հանգամանքների վերանալուց հետո:

3. Կոմիտեն կարճում է վեճի վարույթը, եթե

- վեճը ենթակա չէ Կոմիտեի քննության,
- նույն անձանց միջև, նույն առարկայի մասին և միևնույն հիմքերով առկա է Կոմիտեի կողմից ընդունված և ուժի մեջ մտած որոշում,
- դիմողը հրաժարվել է իր դիմումից,
- առկա է նույն անձանց միջև, նույն առարկայի մասին, և միևնույն հիմքերով դատարանի կողմից ընդունված և ուժի մեջ մտած որոշում,
- գործին մասնակցող իրավաբանական անձը լուծարվել է,
- գործին մասնակցող ֆիզիկական անձը մահացել է,
- օբյեկտիվ հանգամանքներով պայմանավորված այլ դեպքերում:

Հոդված 28. Բացարկներ

1. Կողմերն իրավունք ունեն բացարկ հայտնելու Կոմիտեի անդամին(ներին)՝ նրա անաչառության վերաբերյալ կասկած հարուցող փաստերի և հանգամանքների հիման վրա:

2. Բացարկը հայտնվում է գրավոր, որում շարադրվում են դրա հիմքերը:

3. Նույն անդամին կրկին հայտնված բացարկը կարող է քննության առարկա դառնալ, եթե դրանում նշված են վերջինիս անաչառության վերաբերյալ կասկած հարուցող նոր փաստեր և հանգամանքներ:

4. Կոմիտեի անդամը(ները) կարող է ինքնաբացարկ հայտնել սույն հոդվածի 1-ին կետում նշված հիմքերով:

5. Անդամին(ներին) հայտնված բացարկի կամ ինքնաբացարկի հարցը լուծում են Կոմիտեի մյուս անդամները, բացարկվողի բացակայությամբ: Ինքնաբացարկին կամ բացարկին կողմ և դեմ տրված ձայների հավասար քանակի դեպքում ինքնաբացարկը կամ բացարկը համարվում է բավարարված:

6. Ինքնաբացարկ կամ բացարկ հայտնած անձին իրավունք է տրվում արտահայտվելու:

7. Ինքնաբացարկի կամ բացարկի հարցի քննարկման արդյունքներով կայացվում է որոշում, որում շարադրվում են ինքնաբացարկի կամ բացարկի ընդունման կամ մերժման հիմքերը: Նշված որոշումը երթակա չէ բողոքարկման:

Հոդված 29. Բողոքարկման կոմիտե

1. Բողոքարկման կոմիտեն ՀՖՖ Կանոնադրությամբ նախատեսված իրավական մարմին է, որը կողմերի բողոքի հիման վրա իրավասու է քննության առնելու Կոմիտեի որոշումների համապատասխանությունը սույն Կանոնակարգին, ՖԻՖԱ-ի, ՈԻԵՖԱ-ի և ՀՖՖ նման հարաբերությունները կարգավորող այլ փաստաթղթերին, ինչպես նաև ՀՀ գործող օրենսդրությանը:

2. Բողոքարկման Կոմիտեի կողմից բողոքները քննության առնելու կարգն ու ժամկետները սահմանվում են Բողոքարկման կոմիտեի կանոնակարգով:

VII. ԵԶՐԱՓՈՎԿԻՉ ԴՐՈՒՅԹՆԵՐ

Հոդված 30. Կանոնակարգի՝ ուժի մեջ մտնելը

1. Սույն Կանոնակարգը հաստատվել է Գործկոմի կողմից և ուժի մեջ է մտել 23.03.2007թ.:
2. Սույն կանոնակարգի՝ ուժի մեջ մտնելու պահից ուժը կորցրած ճանաչել 24.02.2000թ. "Ֆուտբոլիստների կարգավիճակի և տեղափոխության մասին կանոնակարգը" և հետագայում դրանում կատարված բոլոր փոփոխությունները:
3. Սույն Կանոնակարգով չնախատեսված դեպքերում, ինչպես նաև **Ֆորս-մաժորային հրավիճակներում** որոշումը կայացվում է ՀՖՖ-ի Գործկոմի կողմից, որը վերջնական է:
4. Ցանկացած գործ, որ ՀՖՖ-ին ներկայացվել է նախքան սույն Կանոնակարգն ուժի մեջ մտնելը, քննարկվում է ըստ նախկին կանոնակարգի:

Հոդված 31. Պատասխանատվությունը կանոնակարգի դրույթները խախտելու համար

1. Սույն Կանոնակարգի դրույթների խախտման, չկատարման կամ ոչ պատշաճ կատարման դեպքերում ֆուտբոլային սուբյեկտները ենթարկվում են կարգապահական պատժամիջոցների սույն կանոնակարգի հավելված 9-ի և/կամ ՀՖՖ գործող կանոնակարգերի դրույթներին համապատասխան:

**Ֆուտբոլիստների ազատ արձակումը ՀՀ Ազգային
հավաքականներում հանդես գալու համար**

Յոդված 1. Սկզբունքներ

1. ՀՖՖ կողմից հրավերքի առկայության դեպքում Ակումբները պարտավոր են տրամադրել իրենց մոտ գրանցված խաղացողներին ՀՀ ազգային հավաքականներում հանդես գալու համար: Նշված դրույթը սահմանափակող ցանկացած այլ համաձայնություն Ֆուտբոլիստի և Ակումբի միջև առոչինչ է:
 2. Սույն հոդվածի կետ 1-ի պայմանների համաձայն, ֆուտբոլիստների ազատ արձակումը պարտադիր է «Միջազգային խաղերի հաստատված խաղացանկում» - ում նշված հանդիպումների համար, ինչպես նաև բոլոր այն հանդիպումների, որոնց մասնակցության համար ֆուտբոլիստներին ազատ արձակելու պարտավորությունը սահմանվել է ՖԻՖԱ-ի Գործադիր կոմիտեի հատուկ որոշմամբ:
 3. Ֆուտբոլիստներին պետք է ազատ արձակել նաև հանդիպման նախապատրաստական շրջանի համար, որի ժամկետները սահմանվում են հետևյալ կերպ.
 - ա/ ընկերական խաղերի դեպքում՝ 48 ժամ,
 - բ/ միջազգային մրցաշարի ընտրական հանդիպման դեպքում՝ 4 օր (ներառյալ խաղի օրը):
Նշված ժամկետը կարող է երկարաձգվել մինչև 5 օր, եթե խաղն անցկացվում է Եվրոպայի սահմաններից դուրս,
 - գ/ եթե միջազգային մրցաշարի ընտրական հանդիպումն անցկացվում է ընկերական հանդիպումների համար նախատեսված օրը՝ 48 ժամ,
 - դ/ միջազգային մրցաշարի եզրափակիչ մրցումների դեպքում՝ մրցաշարի առաջին հանդիպումից 14 օր առաջ:
- Ամեն դեպքում, ֆուտբոլիստները պետք է միանան ՀՀ Ազգային հավաքականին խաղասկզբից նվազագույնը 48 ժամ առաջ:
4. Ակումբները և ՀՖՖ-ն կարող են համաձայնության գալ ֆուտբոլիստին ավելի երկար ժամկետով ազատ արձակելու վերաբերյալ:
 5. ՀՀ երիտասարդական և պատանեկան հավաքականների ֆուտբոլիստները պետք է ազատ արձակվեն ակումբների կողմից՝ առանց սույն հոդվածի կետ 3-ում նշված ժամկետային սահմանափակումների:
 6. ՀՀ ակումբներում հանդես եկող այլ Ազգային հավաքականների անդամների ազատ արձակումն ու վերադարձը իրականացվում է՝ համաձայն ՖԻՖԱ-ի «Ֆուտբոլիստների կարգավիճակի և տեղափոխության կանոնակարգի»:

Յոդված 2. Ֆինանսական դրույթներ և ապահովագրություն

1. Իր ֆուտբոլիստին ազատ արձակած Ակումբը, համաձայն սույն հավելվածի կետերի, իրավունք չունի ստանալու ֆինանսական որևէ փոխհատուցում:
2. ՀՖՖ-ն հոգում է ֆուտբոլիստների՝ ՀՀ Ազգային հավաքականներ ժամանման հետ կապված ծախսերը:
3. Ակումբը, որտեղ գրանցված է հրավիրված ֆուտբոլիստը, պատասխանատվություն է կրում ազատ արձակման ամբողջ ժամանակահատվածում նրա հիվանդության և դժբախտ

պատահարների, ինչպես նաև այն միջազգային խաղի (խաղերի) ընթացքում ստացված վնասվածքների ապահովագրման համար, որին հրավիրվել է ֆուտբոլիստը:

Հոդված 3. Ֆուտբոլիստների հրավերքը

1. Ակումբում գրանցված ֆուտբոլիստը պարտավոր է ընդունել ՀՖՖ հրավերքը՝ Ազգային հավաքականներից որևէ մեկում հանդես գալու համար:
2. ՀՖՖ-ն պարտավոր է գրավոր իրազեկել Ակումբին հրավիրվող ֆուտբոլիստի մասին այն խաղից առնվազն 7 օր առաջ, որին տվյալ խաղացողը հրավիրվում է մասնակցելու: Ակումբը պարտավոր է հաստատել ֆուտբոլիստի ազատ արձակումը հաջորդող 2 օրվա ընթացքում:

Հոդված 4. Վնասվածք ստացած ֆուտբոլիստներ

1. Ֆուտբոլիստը, ով վատառողջության կամ վնասվածք ստանալու պատճառով չի կարող ընդունել ՀՖՖ հրավերքը, վերջինիս պահանջի դեպքում պետք է անցնի բժշկական հետազոտություն: Բժշկի ընտրությունը կատարում է ՀՖՖ-ն: Ֆուտբոլիստի ցանկության դեպքում այդ բժշկական հետազոտությունը կանցկացվի այն վայրում, որտեղ նա գրանցված է:

Հոդված 5. Արգելք ֆուտբոլիստների մասնակցության վրա

1. Քանի դեռ ձեռք չի բերվել ՀՖՖ համաձայնությունը, ֆուտբոլիստը, որը հրավիրվել է հանդես գալու Ազգային հավաքականներից որևէ մեկում, ոչ մի դեպքում չի կարող խաղալ իրեն գրանցած Ակումբի կազմում այն ժամանակահատվածում, որում նա ազատ է արձակվել կամ պետք է ազատ արձակվեր՝ համաձայն սույն հավելվածի կետերի: Ավելին, Ակումբի կազմում խաղալու այս սահմանափակումը կարող է երկարաձգվել 5 օրով, եթե ֆուտբոլիստը որևէ պատճառով չի ցանկանում կամ չի կարող ընդունել հրավերքը:

Հոդված 6. Կարգապահական պատժամիջոցներ

1. Եթե Ակումբը մերժում է ազատ արձակել ֆուտբոլիստին կամ անուշադրության է մատնում սույն հավելվածում նշված պայմանները, ՖԻՖԱ-ի Ֆուտբոլիստների կարգավիճակային կոմիտեն կարող է պահանջել տվյալ Ակումբի ազգային ասոցիացիայից պարտություն գրանցել տվյալ Ակումբին խաղի(երի) համար, որին(որոնց) մասնակցել է ֆուտբոլիստը: Գավաթային համակարգով անցկացված հանդիպման դեպքում, անկախ արդյունքից, կգրանցվի մրցակցի օգտին:
2. Եթե ասոցիացիայի հրավերից հետո ֆուտբոլիստը մեկ անգամից ավել ուշանում է ներկայանալու իր պարտականությունների կատարման վայր, ապա ՖԻՖԱ-ի Ֆուտբոլիստների կարգավիճակային կոմիտեն խաղացողի Ակումբի խնդրանքով կարող է ֆուտբոլիստի և/կամ ասոցիացիայի նկատմամբ կիրառել լրացուցիչ կարգապահական պատժամիջոցներ:

Աշխատանքային պայմանագրի նվազագույն պահաջները

Պայմանագիրը և կողմերը

1. Պայմանագիրը պետք է կնքվի գրավոր և պատշաճ ստորագրված լինի երկու կողմերի կողմից: Անչափահաս ֆուտբոլիստի հետ պայմանագիր կնքելիս, այն պետք է նաև ստորագրվի նրա օրինական ներկայացուցչի կողմից:
2. Յուրաքանչյուր կողմին տրվում է պայմանագրի մեկական օրինակ:
3. Պայմանագրում նշվում են խաղացողի անունը, ազգանունը, ծննդյան թիվը, քաղաքացիությունը (ները), ինչպես նաև բնակության վայրի ամբողջական հասցեն: Եթե ֆուտբոլիստը անչափահաս է, պայմանագրում պետք է համապատասխանաբար նշվեն նաև նրա օրինական ներկայացուցչի տվյալները:
4. Պայմանագրում նշվում է Ակումբի ամբողջական իրավական անվանումը և նրա ամբողջական հասցեն, ինչպես նաև Ակումբը ներկայացնող անձի անունը, ազգանունը, հասցեն:
5. Պայմանագրում պետք է հստակ սահմանվեն պայմանագրի ուժի մեջ մտնելու սկիզբը (օր/ ամիս/տարի) և ավարտը: Ցանկացած վաղաժամկետ դադարեցում պետք է լինի օրենքով նախատեսված:
6. Պայմանագրում պետք է նշվեն նաև այն անձանց տվյալները, ովքեր ներգրավված են եղել բանակցություններում կամ պայմանագրի կնքման գործընթացին (խաղացողի օրինական ներկայացուցիչ, խաղացողի գործակալ, թարգմանիչ և այլն): Առանց միջնորդի պայմանագիր կնքելու հանգամանքը ևս պետք է ամրագրվի պայմանագրում:
7. Աշխատանքային պայմանագրում պետք է ներառվեն կողմերի իրավունքները և պարտականությունները:
8. Պայմանագրի ցանկացած փոփոխություն պետք է կատարվի երկկողմանի ստորագրությամբ մեկ փաստաթուղթ կազմելու միջոցով և որպես անբաժանելի մաս՝ կցվի հիմնական պայմանագրին:

Ակումբի պարտականությունները

1. Պայմանագիրը պետք է սահմանի ակումբի ֆինանսական պարտականություններն ամբողջ ծավալով : Մասնավորապես՝
 - աշխատավարձ,
 - ֆինանսական այլ եկամուտներ (բոնուսներ, պարգևատրումներ և այլն),
 - ոչ ֆինանսական եկամուտներ (մեքենա, բնակարան և այլն),
 - խաղացողի կողմից արված ծախսերի փոխհատուցում:
2. Պայմանագիրը պետք է սահմանի գումարի վճարման ժամկետը (մինչև յուրաքանչյուր ամսվա վերջ) և վճարման ձևը (կանխիկ, փոխանցումով և այլն): Պայմանագիրը կարող է կանոնակարգել նաև ֆինանսական դրույթների փոփոխության հնարավորություն՝ կախված Գործատուի եկամտի փոփոխություններից (առաջխաղացում, ռեգրես):
3. Պայմանագիրը պետք է երաշխավորի երիտասարդ խաղացողների ոչ ֆուտբոլային (մարզական) կրթությունը (պարտադիր միջնակարգ դպրոց) անարգել շարունակելու իրավունքը:
4. Պայմանագիրը պետք է սահմանի խաղացողի տարեկան արձակուրդի իրավունքը, (28 օրացուցային օր): Արձակուրդի ժամկետը պետք է համաձայնեցվի ակումբի հետ նախօրոք և լինի ակումբի ֆուտբոլային կանոնավոր մրցաշրջանից հետո:
5. Պայմանագիրը պետք է ներառի առողջապահության և անվտանգության ասպարեզում ակումբի կողմից վարվող քաղաքականության վերաբերյալ դրույթներ՝

հիվանդության ու դժբախտ պատահարների դեպքում խաղացողի՝ ՀՀ օրենքով սահմանված կարգով ապահովագրման և կանոնավոր բժշկական զննման մասին:

6. Պայմանագիրը կանոնակարգում է նաև վնասվածքի մասին համապատասխան գրառումների պահպանումը (ներառյալ ազգային թիմում ստացված վնասվածքների)` միաժամանակ պահպանելով գաղտնիություն: Եթե օրենքը այլ բան չի նախատեսում, ապա, որպես կանոն, վնասվածքի մասին գրառումները պահվում են թիմի պատասխանատու բժշկի մոտ:
7. Պայմանագիրը պետք է սահմանի դրույթ, ըստ որի Ակումբը պարտավորվում է ղեկավարվել ՖԻՖԱ-ի, ՈՒԵՖԱ-ի, ՀՖՖ-ի կանոնադրություններով և կանոնակարգերով:

Խաղացողի պարտականությունները

1. Պայմանագիրը պետք է սահմանի խաղացողի հետևյալ պարտականությունները`
 - մասնակցել հանդիպումներին ունակությունների առավելագույն դրսևորմամբ,
 - մասնակցել մարզումներին և խաղի նախապատրաստական աշխատանքներին` համաձայն մարզչի հարահանգների,
 - վարել առողջ ապրելակերպ, պահպանել ֆիզիկական պատրաստվածության բարձր ցուցանիշներ,
 - հետևել ակումբի ղեկավարների հրահանգներին (ողջամիտ),
 - հաճախել ակումբին վերաբերող բոլոր միջոցառումներին (լինի մարզական, թե առևտրային),
 - ենթարկվել ակումբի ներքին կանոնակարգերին,
 - դրսևորել մարզական պատշաճ վարքագիծ հանդիպումներին և ուսումնամարզական հավաքներին ներգրավված անձանց նկատմամբ, սովորել և կիրառել խաղի կանոնները և ենթարկվել խաղի պաշտոնյաների որոշումներին,
 - զերծ մնալ ֆուտբոլային այլ միջոցառումներին մասնակցելուց, որոնք իրական վտանգ են ներկայացնում և անցկացվում են ակումբի անվտանգության համակարգից դուրս,
 - հոգ տանել ակումբին պատկանող գույքի նկատմամբ և վերադարձնել այն պայմանագրի ավարտից հետո,
 - հիվանդության և դժբախտ պատահարի դեպքում անմիջապես տեղեկացնել ակումբին և չընդունել որևէ այլ բժշկական միջամտություն` առանց ակումբի բժշկի տեղեկացնելու (բացառությամբ անհետաձգելի իրավիճակների),
 - ներկայացնել անաշխատունակության վերաբերյալ համապատասխան բժշկական փաստաթուղթ,
 - ակումբի բժշկի պահանջով կանոնավոր բժշկական զննման ենթարկվել և ստանալ անհրաժեշտ բուժումներ,
 - ենթարկվել ազգային ասոցիացիայի, լիգայի, խաղացողների միության և ակումբի ցանկացած խտրականության դեմ վարվող քաղաքականության պայմաններին,
 - չկատարել որևէ գործողություն, որը կարող է խոչընդոտել կամ խափանել ակումբի գործունեության պատշաճ ընթացքը, արատավորել ակումբի բարի համբավը, (հարցազրույցներ և այլն)
 - չկատարել խաղադրույթներ և չծավալել նմանատիպ այլ գործունեություն ֆուտբոլային ասպարեզում:
2. Պայմանագիրը պետք է սահմանի դրույթ, ըստ որի խաղացողը պարտավորվում է ղեկավարվել ՖԻՖԱ-ի, ՈՒԵՖԱ-ի, ՀՖՖ կանոնադրություններով և կանոնակարգերով:
3. Խաղացողի և ակումբի բժշկի տարակարծության դեպքում խաղացողն իրավունք ունի ստանալու այլընտրանքային մասնագետի եզրակացություն: Տարբեր կարծիքների

դեպքում երկու կողմերը համաձայնվում են ընդունել երրորդ՝ անկախ կարծիքը, որը դառնում է պարտադիր:

Չարկային պարտավորություններ

Պայմանագրում պետք է նախատեսված լինեն դրույթներ, որոնք վերաբերում են պայմանագրից բխող հարկային պարտավորությունները կատարելուն (ով է վճարում, ինչ և երբ):

Իմիջային իրավունք

Խաղացողը և Ակունքը պետք է պայմանավորվեն խաղացողի իմիջային իրավունքների օգտագործման վերաբերյալ:

Խաղացողը, որպես կանոն, կարող է օգտագործել իր իմիջային իրավունքները (եթե կոնֆլիկտ չկա ակունքի հովանավորների/գործընկերների հետ), մինչդեռ ակունքը կարող է օգտագործել խաղացողի իմիջային իրավունքները որպես ամբողջ թիմի մի մաս:

Վարձակալություն

Պայմանագիրը պետք է նախատեսի անհրաժեշտության դեպքում խաղացողին այլ ակունք վարձակալությամբ տեղափոխելու պայմանների վերաբերյալ դրույթներ՝ համաձայն գործող կանոնակարգերի:

Չակախթանիչներ

Պայմանագիրը պետք է խաղացողի և Ակունքի պարտականությունների մեջ ներառի հակախթանիչային կանոնակարգերին անխտիր ենթարկվելու վերաբերյալ դրույթներ:

Պայմանագրի լուծումը

1. Պայմանագիրը պետք է սահմանի դրույթ, որ եթե խաղացողը կորցրել է աշխատունակությունը աշխատանքային խելման /վնասվածք/ հետևանքով, որ ստացել է մարզումների, հավաքների, խաղերի կամ մրցուղևորության ժամանակ, ապա նրա հետ կնքված աշխատանքային պայմանագիրն առանց ֆուտբոլիստի համաձայնության չի կարող լուծվել ակունքի նախաձեռնությամբ մինչև ֆուտբոլիստի աշխատունակության վերականգնումը կամ հաշմանդամության կարգի որոշումը:

2. Պայմանագիրը պետք է ՖԻՖԱ-ի, ՈՒԵՖԱ-ի և ՉՖՖ-ի համապատասխան կանոնադրություններին և կանոնակարգերի համաձայն պայմաններ նախատեսի պայմանագրի վաղաժամկետ լուծման վերաբերյալ:

Եզրափակիչ դրույթներ

Պայմանագրի եզրափակիչ դրույթներում պետք է նշվեն՝

- կողմերի միջև առաջացած վեճերի կարգավորման եղանակները՝ ՉՉ գործող օրենսդրությանը, ՈՒԵՖԱ-ի, ՖԻՖԱ-ի, և ՉՖՖ գործող կանոնադրություններին և կանոնակարգերին համապատասխան,
- պայմանագրի օրինակների թիվը, ուն են դրանք տրամադրվում,
- պայմանագրին կցված հավելվածների թիվը / առկայության դեպքում /

- նշում այն մասին, որ պայմանագրի որևէ դրույթի անվավերությունը չի կարող անդրադառնալ մյուս դրույթների վավերությանը:

տիպային օրինակ

ԱՇԽԱՏԱՆՔԱՅԻՆ ՊԱՅՄԱՆԱԳԻՐ

ք. Երևան

„___” . „_____”, 200__թ.

..... (այսուհետ «Ակումբ»), ի դեմս գործադիր տնօրեն
, որը գործում է «Ակումբ»-ի կանոնադրության հիման վրա՝ մի
 կողմից, և քաղաքացի (այսուհետ
 «Ֆուտբոլիստ»)՝ մյուս կողմից, կնքեցին սույն պայմանագիրը հետևյալի մասին՝
*Պայմանագրում պետք է նշվեն նաև այն անձանց տվյալները, ովքեր ներգրավված են եղել
 բանակցություններում կամ պայմանագրի կնքման գործընթացին (խաղացողի օրինական
 ներկայացուցիչ, խաղացողի գործակալ, թարգմանիչ և այլն): Առանց միջնորդի
 պայմանագիր կնքելու հանգամանքը ևս պետք է ամրագրվի պայմանագրում:*

1. Հիմնական դրույթներ

2.

Սույն պայմանագրով «Ֆուտբոլիստ»-ը ընդունվում է Ակումբում աշխատանքի, պրոֆեսիոնալ կարգավիճակով:

«Ֆուտբոլիստ»-ի և «Ակումբ»-ի միջև փոխհարաբերությունները կարգավորվում են սույն պայմանագրով, ՀՀ գործող օրենսդրությամբ, «Ակումբ»-ի, ՀՖՖ-ի, ՈԻԵՖԱ-ի, ՖԻՖԱ-ի կանոնադրություններով և կանոնակարգերով:

«Ակումբ»-ը, ուր աշխատում է ֆուտբոլիստը, հանդիսանում է նրա հիմնական աշխատավայրը:

«Ֆուտբոլիստ»-ի աշխատաժամանակի տևողությունը չնորմավորված է:

Աշխատանքը սկսելու տարին, ամիսը, ամսաթիվը՝ _____

3. «Ֆուտբոլիստ»-ի իրավունքները և պարտականությունները

4.

2.1 «Ֆուտբոլիստ»-ը պարտավորվում է՝

2.1.1 Ընդունել վերոգրյալ կանոնադրություններն ու կանոնակարգերը և իր աշխատանքային գործունեության ընթացքում ղեկավարվել դրանցով:

2.1.2 Ենթարկվել ՀՖՖ-ի, ՖԻՖԱ-ի, ՈԻԵՖԱ-ի ղեկավար մարմինների համապատասխան կանոնադրություններով և կանոնակարգերով՝ իրենց լիազորությունների շրջանակներում ընդունված որոշումներին:

2.1.3 Ներդնել իր ողջ ներուժը և մարզական ունակությունները ի շահ Ակումբի, կատարել հնարավորինք՝ Ակումբին աջակցելու և Ակումբի հեղինակությունը ամրապնդելու համար, խուսափել ամեն տեսակի գործողություններից, որոնք կարող են որևէ կերպ վնաս հասցնել Ակումբին՝ մասնավորապես այն միջոցառումներից առաջ (ընթացքում), որոնց վերջինս մասնակցում է:

2.1.4 Մասնակցել Ակումբի կողմից անցկացվող բոլոր խաղերին և մարզումներին, խաղացողներին վերաբերող ցանկացած խորհրդակցության ու հանդիպուման և մրցաշարերին նախապատրաստվելու նպատակով կազմակերպվող բոլոր միջոցառումներին: Սա անհրաժեշտ պայման է նույնիսկ այն դեպքում, երբ նրա մասնակցությունը խաղին որպես հիմնական կազմի խաղացող կամ պահեստային խաղացող չի դիտարկվում:

2.1.5 Իր ֆուտբոլային գործունեության ընթացքում վնասվածք ստանալու կամ վատառողջ լինելու դեպքում անմիջապես հայտնել Ակումբի բժշկին, տեղեկացնել Ակումբի կողմից նշանակված համապատասխան անձին կամ մարմնին բժշկի կատարած փորձաքննության

արդյունքների մասին: Եթե ֆուտբոլիստը 3 օրից հետո չի կարողանում վերականգնել իր կայուն ֆիզիկական վիճակը կամ առողջական վիճակի պատճառով անկարող է մասնակցել խաղերին և մարզումներին, ապա նա պարտավոր է ներկայացնել բժշկական տեղեկանք:

2.1.6 Ընդունել ամբողջական մարզական և թերապևտիկ բուժման միջոցառումներ՝ հետևելով Ակումբի կողմից լիազորված անձի հրահանգներին՝ հաշվի առնելով խաղացողի անհատական իրավունքները:

2.1.7 Պայմանագրի գործողության ընթացքում խնայողաբար վերաբերվել Ակումբի կողմից տրամադրված սպորտային գույքին ու հանդերձանքին:

2.1.8 Պահպանել վարքագծի բարոյական նորմերը՝ Ակումբի և ազգային ասոցիացիայի հեղինակությանը վնաս չհասցնելու համար, չտարածել Ակումբի ներքին հարցերին վերաբերող ինֆորմացիա, եթե այն կարող է վնաս հասցնել Ակումբին:

2.1.9 Բարեխղճորեն նախապատրաստվել Ակումբի կողմից անցկացվող բոլոր միջոցառումներին, հետևելով կենսակերպին վերաբերող մարզչի հրահանգներին:

2.1.10 Մարզական ճիշտ վարքագիծ ցուցաբերել հանդիպման կամ մարզումներում ներգրավված ցանկացած անձի նկատմամբ, մասնավորապես առանց բողոքի արտահայտման հարգել խաղի ընթացքում մրցավարական խմբի կողմից ընդունված որոշումները:

2.1.11 Առանց Ակումբի գրավոր թույլտվության չընդգրկվել որևէ ուրիշ թիմում, բանակցություններ չվարել այլ Ակումբների հետ իր տեղափոխման հարցերով, բացառությամբ «Ֆուտբոլիստների կարգավիճակի և տեղափոխման» կանոնակարգով նախատեսված դեպքերի:

2.1.12 Չկատարել խաղադրույքներ և չծավալել նմանատիպ այլ գործունեություն ֆուտբոլային ասպարեզում:

2.1.13 Ձերձ մնալ ֆուտբոլային այլ միջոցառումներին մասնակցելուց, որոնք իրական վտանգ են ներկայացնում և անցկացվում են Ակումբի անվտանգության համակարգից դուրս:

2.1.14 Ենթարկվել ֆուտբոլային մարմինների բոլոր հակախթանիչային կանոնակարգերին:

2.2 «Ֆուտբոլիստ»-ը իրավունք ունի՝

2.2.1 Պահանջելու, որ Ակումբը ժամանակին վճարի սույն պայմանագրով (կամ հավելվածով) նախատեսված ամենամսյա աշխատավարձը:

2.2.2 Պահանջելու, որ Ակումբը պատշաճ կերպով կատարի սույն պայմանագրով նախատեսված իր պարտականությունները:

2.2.3 Ակումբի կողմից իր պարտականությունների կոպիտ խախտումների դեպքում դիմել ՀՖՖ «Ֆուտբոլիստների կարգավիճակի և տեղափոխման» կոմիտեին:

2.2.4 Օգտվել վճարովի արձակուրդի իրավունքից՝ տարեկան առնվազն 28 օր ժամանակահատվածով, ինչը պետք է համաձայնեցված լինի Ակումբի խաղային և մարզումային ծրագրի հետ:

2.2.5 Ակումբի բժշկի հետ տարակարծության դեպքում՝ ստանալու այլընտրանքային մասնագետի եզրակացություն: Տարբեր կարծիքների դեպքում երկու կողմերը համաձայնում են ընդունել երրորդ անկախ կարծիքը, որը դառնում է պարտադիր:

3. Անձնական ոչ գույքային իրավունքներ

3.1 Ակումբը ճանաչում է ֆուտբոլիստի անձնական ոչ գույքային իրավունքները: Ֆուտբոլիստը լիազորում է Ակումբին՝ օգտագործելու իր անձնական ոչ գույքային իրավունքներն ընդհանուր շահի համար:

3.2 Այդ իրավունքների ընդհանուր օգտագործումը տեղի է ունենում Ակումբի և ֆուտբոլիստի միջև կնքված պայմանագրի հիման վրա:

Պայմանագրում պետք է հստակ ամրագրվեն այն իրավունքները, որոնք անմիջականորեն պատկանում են խաղացողին, և նրանք, որոնք նա տրամադրում է Ակունքին, ընդհանուր շահերը ներկայացնելու համար:

4. Ակունքի իրավունքները և պարտավորությունները

4.1 **Ակունքը** պարտավորվում է՝

4.1.1 Ընդունել վերոգրյալ կանոնադրություններն ու կանոնակարգերը և ղեկավարվել դրանցով:

4.1.2 Ենթարկվել ՀՖՖ-ի, ՖԻՖԱ-ի, ՈԻԵՖԱ-ի ղեկավար մարմինների համապատասխան կանոնադրություններով և կանոնակարգերով՝ իրենց լիազորությունների շրջանակներում ընդունված որոշումներին:

4.1.3 Ժամանակին վճարել աշխատավարձը, ինչպես նաև խաղացողին տրվող այլ վճարումները կամ պարգևատրումները, սույն պայմանագրի 6-րդ գլխով նախատեսված կարգով:

4.1.4 Ապահովել մարզումների և ֆուտբոլային խաղերի կազմակերպումը համապատասխան մասնագետների ղեկավարությամբ, ինչպես նաև ֆուտբոլիստին՝ բժշկական և տեխնիկական բոլոր պահանջներին և պայմաններին համապատասխան մարզումային և խաղային հրապարակներով, մարզական հագուստով և գույքով, նաև այլ անհրաժեշտ կենցաղային հարմարություններով:

4.1.5 Պահպանել ֆուտբոլիստի ամենամսյա աշխատավարձը և այլ պարգևատրումները նրան Հայաստանի ազգային հավաքական ժամանակավորապես հրավիրելու դեպքում:

4.1.6 ՀՀ գործող օրենսդրությանը համապատասխան ապահովագրել Ֆուտբոլիստին: Ապահովագրությունը պետք է ընդգրկի նաև այն ժամանակահատվածը, երբ Ֆուտբոլիստը, մարզումներ և խաղեր անցկացնելու համար գտնվում է ազգային հավաքականի կազմում:

4.1.7 ՀՀ գործող օրենսդրությանը համապատասխան կատարել սույն պայմանագրից բխող հարկային պարտականությունները:

4.1.7 Ձերծ մնալ ֆուտբոլիստի նկատմամբ որևէ տեսակի խտրականության դրսևորումից:

4.1.8 Ենթարկվել ֆուտբոլային մարմինների բոլոր հակախթանիչային կանոնակարգերին:

4.1.9 Վարել և պահպանել ֆուտբոլիստի ստացած վնասվածքների վերաբերյալ համապատասխան գրառումներ (ներառյալ ազգային հավաքականում ստացված վնասվածքների)՝ միաժամանակ երաշխավորելով դրանց գաղտնիությունը:

4.2 **Ակունքն** իրավունք ունի՝

4.2.1 Պահանջելու ֆուտբոլիստից պատշաճ կերպով կատարելու սույն պայմանագրով, ինչպես նաև ՀՖՖ-ի, ՖԻՖԱ-ի, ՈԻԵՖԱ-ի կանոնադրություններով և կանոնակարգերով նախատեսված պարտականությունները:

4.2.2 Ֆուտբոլիստի կողմից իր պարտականությունները կոպտորեն խախտելու դեպքում, պատասխանատվության ենթարկելու վերջինիս՝ համաձայն Ակունքի կողմից ընդունված կանոնակարգերի:

5. Պայմանագրի գործողության ժամկետը

5.1 Սույն պայմանագիրն ուժի մեջ է մտնում ----- և ավարտվում -----:

5.2 Պայմանագրի ժամկետի ավարտից հետո այն կարող է երկարացվել կողմերի համաձայնությամբ մեկ փաստաթուղթ կազմելու միջոցով:

6. Աշխատավարձը և պարգևատրումները

6.1 Ֆուտբոլիստին տրվում է ամենամսյա աշխատավարձ և պարգևատրումներ՝ համաձայն պայմանագրին կցված և նրա անբաժանելի մասը կազմող հավելված -----ի:

Աշխատավարձի վճարման կարգն ու ժամկետը, ինչպես նաև պարգևատրումների վճարման կարգը, նույնպես սահմանվում են նշված հավելվածով:

7. Պայմանագրի լուծումը

7.1 Սույն պայմանագիրը կարող է վաղաժամկետ լուծվել կողմերի համաձայնությամբ:

7.2 Սույն պայմանագիրը կողմերից մեկի պահանջով կարող է լուծվել ՀՖՖ համապատասխան կոմիտեի որոշմամբ, միայն մյուս կողմի թույլ տված պայմանագրի էական խախտման դեպքում կամ ՀՀ գործող օրենսդրությամբ, ՀՖՖ-ի, ՈԻԵՖԱ-ի, ՖԻՖԱ-ի համապատասխան կանոնակարգերով նախատեսված դեպքերում և կարգով:

7.3 Եթե խաղացողը մարզումների, հավաքների, խաղերի կամ մրցուղևորության ժամանակ ստացած աշխատանքային խելման /վնասվածք/ պատճառով կորցրել է աշխատունակությունը, ապա նրա հետ կնքված աշխատանքային պայմանագիրը առանց ֆուտբոլիստի համաձայնության չի կարող լուծվել ակումբի նախաձեռնությամբ մինչև ֆուտբոլիստի աշխատունակության վերականգնումը կամ հաշմանդամության կարգի որոշումը:

8. Վարձակալություն

Պայմանագիրը պետք է ներառի դրույթ նաև ֆուտբոլիստի հնարավոր այլ Ակումբ վարձակալությամբ տեղափոխվելու պայմանների մասին, որը հնարավոր է բացառապես կողմերի համաձայնությամբ, գործող կանոնակարգին համապատասխան:

9. Եզրափակիչ դրույթներ

9.1 Կողմերի միջև առաջացած վեճերը ենթակա են կարգավորման անմիջական բանակցությունների միջոցով, ՀՀ գործող օրենսդրության շրջանակներում, ինչպես նաև ՀՖՖ, ՈԻԵՖԱ-ի, ՖԻՖԱ-ի գործող կանոնադրություններին և կանոնակարգերին համապատասխան: Եթե բանակցությունները դրական արդյունք չեն տալիս, ապա վեճը ենթակա է լուծման ՀՖՖ-ի համապատասխան կոմիտեների կողմից, որոնց կայացրած որոշումները պարտադիր են կողմերի համար:

9.2 Սույն պայմանագրի դրույթները կարող են փոխվել միայն Կողմերի գրավոր համաձայնությամբ, մեկ փաստաթուղթ կազմելու միջոցով:

9.3 Սույն պայմանագրի որևէ դրույթի անվավերությունը չի կարող անդրադարձալ մյուս դրույթների վավերությանը:

9.4 Սույն պայմանագիրը ենթակա է պարտադիր գրանցման ՀՖՖ-ում:

9.5 Սույն պայմանագրին են կցված թվով հավելվածներ:

9.6 Պայմանագրի, ինչպես նաև կից հավելվածների բոլոր էջերը ենթակա են վավերացման կողմերի ստորագրություններով:

9.7 Սույն պայմանագիրը կազմված է 3 օրինակից՝ մեկական օրինակ Կողմերին և մեկ օրինակ ՀՖՖ-ին:

«Ակումբ»

(անվանումը)

(հասցե)

(բանկային վավերապայմանները)

Գործադիր տնօրեն՝

Կ.տ. (ստորագրություն)

«Ֆուտբոլիստ»

(անուն, ազգանուն, հայրանուն)

(հասցե)

(անձն. ուն կողմից է տրված, երբ)

(քաղաքացիությունը)

(ստորագրություն)

ՀԱՎԵԼՎԱԾ 3

**Միջազգային տրանսֆերը և ներքին տեղափոխությունը
կարգավորող ընթացակարգ**

Միջազգային Տրանսֆերը կարգավորող ընթացակարգ

Յոդված 1. Սկզբունքներ

1. Որևէ ասոցիացիայի Ակումբում գրանցված խաղացողն իրավունք չունի խաղալու մեկ այլ ասոցիացիայի Ակումբի կազմում, քանի դեռ նախկին Ասոցիացիան չի տրամադրել, իսկ նոր Ասոցիացիան չի ստացել Միջազգային տրանսֆերային սերտիֆիկատ (USU), համաձայն սույն հավելվածի դրույթների:

2. Պրոֆեսիոնալ կարգավիճակ ունեցող խաղացողների դեպքում Ասոցիացիան USU-ին կից պետք է ներկայացնի նաև Ֆուտբոլիստի Անձնագրի պատճենը:

3. Նախքան նոր Ասոցիացիա տեղափոխվելը պետք է իրագործվի ֆուտբոլիստի նկատմամբ կիրառված կարգապահական յուրաքանչյուր պատժամիջոց կամ այն պետք է կիրառվի նոր Ասոցիացիայի կողմից, որտեղ ցանկանում է գրանցվել խաղացողը: USU տրամադրելուն պես նախկին Ասոցիացիան պարտավոր է յուրաքանչյուր չկրած պատժամիջոցի մասին գրավոր տեղեկացնել նոր Ասոցիացիային:

4. Միջազգային տրանսֆեր թույլատրվում է միայն 18 տարին լրացած խաղացողին, բացառությամբ եթե նրա ծնողները ոչ ֆուտբոլային դրդապատճառներով տեղափոխվում են այն երկիր, որտեղ գտնվում է նրա նոր Ակումբը:

5. Մինչև 12 տարեկան խաղացողների համար USU չի պահանջվում:

Յոդված 2. Պրոֆեսիոնալ ֆուտբոլիստներին USU տրամադրելը

1. Միջազգային տրանսֆերի դեպքում Պրոֆեսիոնալ ֆուտբոլիստի գրանցումը կատարվում է սույն կանոնակարգի գլուխ 3-ում սահմանված դրույթներին համապատասխան: Տվյալ Պրոֆեսիոնալ ֆուտբոլիստն իրավունք չունի հանդես գալու Ակումբի պաշտոնական խաղերին, քանի դեռ USU-ը չի ստացվել ՀՖՖ-ի կողմից:

2. Գրանցման դիմումը ստանալուն պես Պրոֆեսիոնալ ֆուտբոլիստի USU-ն ստանալու նպատակով ՀՖՖ-ն հարցում է ուղարկում նախկին Ասոցիացիա («USU հարցում»): USU հարցման վերջնաժամկետը ՀՖՖ Գրանցման ժամանակահատվածի վերջին օրն է: Առանց որևէ հարցման այլ Ասոցիացիայից հոժարական տրամադրված USU-ի պարագայում ՀՖՖ-ն լիազորված չէ գրանցել Պրոֆեսիոնալ ֆուտբոլիստին:
3. USU հարցումը ստանալուց հետո Նախկին Ակումբի ազգային Ասոցիացիան անմիջապես դիմում է Պրոֆեսիոնալ ֆուտբոլիստին և Ակումբին հավաստիանալու համար՝ թե արդյոք ավարտվել է պայմանագրի գործողության ժամկետը, կամ արդյոք վաղաժամ լուծարումը կատարվել է փոխադարձ համաձայնությամբ, և/կամ գոյություն ունեն արդյոք պայմանագրային վեճեր:
4. USU հարցումը ստանալուն պես՝ 7 օրվա ընթացքում, նախկին Ասոցիացիան պարտավոր է.
 - տրամադրել USU-ը նոր Ասոցիացիային կամ
 - տեղեկացնել նոր Ասոցիացիային, որ USU-ը չի կարող տրամադրվել, քանի որ պրոֆեսիոնալ ֆուտբոլիստի և նախկին Ակումբի միջև պայմանագրի ժամկետը չի ավարտվել, կամ էլ տվյալ պայմանագրի վաղաժամ լուծարման վերաբերյալ չի եղել փոխադարձ համաձայնություն:
5. Եթե 30 օրվա ընթացքում USU հարցման որևէ պատասխան չի ստացվում, ապա ՀՖՖ-ն ժամանակավոր հիմունքներով գրանցում է տվյալ Պրոֆեսիոնալ ֆուտբոլիստին նոր Ակումբում («ժամանակավոր գրանցում»): Ժամանակավոր գրանցումը դառնում է մշտական՝ USU հարցում կատարելուց մեկ տարի անց: ՖԻՖԱ-ի Խաղացողների կարգավիճակային կոմիտեն կարող է չեղյալ համարել տվյալ ժամանակավոր գրանցումը, եթե այդ մեկ տարվա ընթացքում նախկին Ասոցիացիան հիմնավոր պատճառներ է ներկայացնում՝ բացատրելով, թե ինչու չի պատասխանել համապատասխան հարցմանը:
6. Նախկին Ասոցիացիան կարող է USU չտրամադրել, եթե Պրոֆեսիոնալ ֆուտբոլիստի և նրա նախկին Ակումբի միջև պայմանագրային վեճ է ծագել: Այս դեպքում Պրոֆեսիոնալ ֆուտբոլիստը, նախկին Ակումբը և/կամ նոր Ակումբը լիազորված են բողոք ներկայացնելու ՖԻՖԱ: Այնուհետև ՖԻՖԱ-ն 60 օրվա ընթացքում որոշում կկայացնի USU-ը հանձնելու և մարզական պատժամիջոցներ կիրառելու վերաբերյալ: Ամեն դեպքում, պատժամիջոցներ կիրառելու վերաբերյալ որոշումը պետք է ընդունվի նախքան USU տրամադրելը, իսկ USU-ի տրամադրումը չպետք է խոչընդոտի պայմանագրի խզման հետևանքով առաջացած փոխհատուցում ստանալու իրավունքին:
7. Նոր Ասոցիացիան տվյալ մրցաշրջանի համար կարող է խաղացողին շնորհել խաղալու ժամանակավոր իրավունք՝ հեռատիպով ուղարկված USU-ի հիման վրա: Եթե USU-ի բնօրինակն այդ ընթացքում չի ստացվում, ապա ֆուտբոլիստի խաղալու ժամանակավոր իրավունքը համարվում է վերջնական:
8. Ֆուտբոլիստին փորձնական խաղերում ներգրավելու նպատակով USU պահանջելն արգելվում է:
9. Վերոհիշյալ կանոններն ու ընթացակարգը վերաբերում են նաև Պրոֆեսիոնալ այն ֆուտբոլիստներին, ովքեր տեղափոխվելով նոր Ակումբ՝ ձեռք են բերում սիրողական կարգավիճակ:

Հոդված 3. Սիրողական կարգավիճակ ունեցող ֆուտբոլիստներին USU տրամադրելը

1. Միջազգային տրանսֆերի դեպքում Սիրողական կարգավիճակ ունեցող ֆուտբոլիստի գրանցումը կատարվում է սույն կանոնակարգի գլուխ 3-ում սահմանված դրույթներին համապատասխան:

2. Գրանցման դիմումը ստանալուն պես՝ Սիրողական կարգավիճակ ունեցող ֆուտբոլիստի USU-ն ստանալու նպատակով ՀՖՖ-ն հարցում է ուղարկում նախկին Ասոցիացիա («USU հարցում»):
3. USU հարցումը ստանալուց 7 օրվա ընթացքում նախկին Ասոցիացիան պարտավոր է տրամադրել ֆուտբոլիստի Միջազգային տրանսֆերային սերտիֆիկատը:
4. Եթե 30 օրվա ընթացքում USU հարցման որևէ պատասխան չի ստացվում, ապա ՀՖՖ-ն ժամանակավոր հիմունքներով գրանցում է տվյալ ֆուտբոլիստին նոր Ակումբում («Ժամանակավոր գրանցում»): Ժամանակավոր գրանցումը դառնում է մշտական՝ USU հարցում կատարելուց մեկ տարի անց: Խաղացողների Կարգավիճակային կոմիտեն կարող է չեղյալ համարել տվյալ ժամանակավոր գրանցումը, եթե այդ մեկ տարվա ընթացքում նախկին Ասոցիացիան հիմնավոր պատճառներ է ներկայացնում՝ բացատրելով, թե ինչու չի պատասխանել տվյալ հարցմանը:
5. Վերոհիշյալ կանոններն ու ընթացակարգը վերաբերում են նաև Սիրողական կարգավիճակ ունեցող այն ֆուտբոլիստներին, ովքեր տեղափոխվելով Նոր Ակումբ՝ ձեռք են բերում Պրոֆեսիոնալ ֆուտբոլիստի կարգավիճակ:

Հոդված 4. Ֆուտբոլիստների վարձակալություն

1. Վերոնշյալ կանոնները և ընթացակարգը կիրառվում են նաև Պրոֆեսիոնալ ֆուտբոլիստներին այլ Ասոցիացիայի ակումբ վարձակալության տրամադրելու կամ այլ Ասոցիացիայի ակումբից վարձակալելու դեպքերում:
2. Վարձակալության պայմանագրի ժամկետները պետք է ներկայացվեն USU հարցմանը կից:
3. Վարձակալության ժամկետի ավարտին, համապատասխան հարցմամբ USU-ը պետք է վերադարձվի Պրոֆեսիոնալ ֆուտբոլիստին վարձակալության տրամադրած ակումբի Ասոցիացիային:

Ներքին տեղափոխությունը կարգավորող ընթացակարգ

Հոդված 5. Ակումբներ

1. ՀՖՖ որևէ ակումբում գրանցված խաղացողն իրավունք չունի խաղալու մեկ այլ ակումբի կազմում, քանի դեռ նախկին Ակումբը չի տրամադրել "համաձայնությունը", իսկ նոր Ակումբը չի գրանցել (վերագրանցել) տվյալ ֆուտբոլիստին՝ համաձայն սույն հավելվածի դրույթների:
2. Ներքին տեղափոխության դեպքում ֆուտբոլիստը պետք է գրանցվի (վերագրանցվի) նոր Ակումբում սույն կանոնակարգի գլուխ 3-ում սահմանված դրույթներին համապատասխան:
3. Պրոֆեսիոնալ ֆուտբոլիստի տեղափոխության դեպքում նախկին Ակումբը կարող է համաձայնություն չտալ, եթե իր և խաղացողի միջև պայմանագրային վեճ է ծագել: Այս դեպքում Պրոֆեսիոնալ ֆուտբոլիստը, նախկին Ակումբը և/կամ նոր Ակումբը լիազորված են բողոք ներկայացնելու ՀՖՖ: Այնուհետև ՀՖՖ-ն 10 օրվա ընթացքում որոշում կկայացնի ֆուտբոլիստին գրանցելու (վերագրանցելու) և նրա նկատմամբ մարզական պատժամիջոցներ կիրառելու վերաբերյալ: Ամեն դեպքում, պատժամիջոցներ կիրառելու վերաբերյալ որոշումը պետք է ընդունվի նախքան գրանցելը, իսկ գրանցումը չպետք է խոչընդոտի պայմանագրի խզման հետևանքով առաջացած փոխհատուցում ստանալու իրավունքին:
4. Ֆուտբոլիստի և նախկին Ակումբի միջև պարտք ու պահանջի առկայությունը չի կարող արգելք հանդիսանալ ֆուտբոլիստի ներքին տեղափոխության և վերագրանցման համար:

5. Ներքին տեղափոխության դեպքում գրանցման դիմումի հետ մեկտեղ պետք է ներկայացվի փոխհատուցման վճարը (այդ թվում՝ Մարզումային փոխհատուցման) հաստատող փաստաթղթերը:

6. Ֆուտբոլիստի գրանցումը կարող է չեղյալ համարվել ՀՖՖ-ի Խաղացողների կարգավիճակի և Տեղափոխության կոմիտեի որոշմամբ:

Մարզումային փոխհատուցում

Յոդված 1. Մարզումային փոխհատուցումը

1. Խաղացողի մարզման և ուսուցման գործընթացը տեղի է ունենում 12-23 տարեկան հասակում: Մարզումային փոխհատուցումը ենթակա է վճարման սույն կանոնակարգի 19 և 20 հոդվածներում նշված դեպքերում մինչև 23 տարեկան խաղացողի համար՝ մինչև նրա 21 տարին լրանալը մարզման և ուսուցման համար կատարված ներդրումների հաշվարկով:
2. Մարզումային փոխհատուցում վճարելու պարտավորությունը պայմանավորված չէ պայմանագրի դադարեցման հետևանքով առաջացած որևէ պարտավորությամբ (այդ թվում նաև փոխհատուցմամբ):

Յոդված 2. Պրոֆեսիոնալ ֆուտբոլիստի մարզումային փոխհատուցման վճարումը

1. Մարզումային փոխհատուցում պետք է վճարվի Պրոֆեսիոնալ ֆուտբոլիստին մարզած, կրթած Ակումբին(ներին)
 - ա/ եթե խաղացողը ստորագրում է իր առաջին պրոֆեսիոնալ պայմանագիրը,
 - բ/ երբ Պրոֆեսիոնալ ֆուտբոլիստը տեղափոխվում է մի ակումբից մյուսը (պայմանագրի ընթացքում կամ ավարտից հետո)մինչև իր 23-րդ տարեդարձի Մրցաշրջանի ավարտը:
2. Պրոֆեսիոնալ ֆուտբոլիստի համար մարզումային փոխհատուցում չի վճարվում.
 - ա) եթե նախկին Ակումբն առանց որևէ հիմնավոր դրդապատճառի դադարեցրել է պայմանագիրը (պահպանվում են նախորդ Ակումբի իրավունքները),
 - բ) եթե խաղացողը տեղափոխվում է 4-րդ կարգի Ակումբ,
 - գ) եթե Պրոֆեսիոնալը տեղափոխվելիս կրկին ստանում է սիրողական կարգավիճակ,
 - դ) եթե Պրոֆեսիոնալը տեղափոխվում է այլ Ակումբ իր 23-րդ տարեդարձի Մրցաշրջանի ավարտից հետո:

Յոդված 3. Սիրողական ֆուտբոլիստի մարզումային փոխհատուցման վճարումը

1. Մարզումային փոխհատուցում պետք է վճարվի 12 տարին լրացած Սիրողական ֆուտբոլիստին մարզած, կրթած Ակումբին(ներին)
 - ա) եթե Սիրողական ֆուտբոլիստը փոխում է իր կարգավիճակը (դառնում է Պրոֆեսիոնալ),
 - բ) երբ Սիրողական ֆուտբոլիստը տեղափոխվում է մի Ակումբից մյուսը, մինչև իր 23-րդ տարեդարձի Մրցաշրջանի ավարտը:
2. Սիրողական ֆուտբոլիստի համար մարզումային փոխհատուցում չի վճարվում.
 - ա) եթե խաղացողի 12 տարին չի լրացել,
 - բ) եթե խաղացողը տեղափոխվում է 4-րդ կարգի Ակումբ,
 - գ) եթե խաղացողը չի մասնակցել Կազմակերպված ֆուտբոլին առնվազն տեղափոխությանը նախորդող երկու մրցաշրջանների ընթացքում,
 - ե) եթե խաղացողը տեղափոխվում է այլ Ակումբ իր 23-րդ տարեդարձի Մրցաշրջանի ավարտից հետո:
3. Սիրողական ֆուտբոլիստի համար մարզումային փոխհատուցում վճարվում է անկախ այն հանգամանքից, թե տեղափոխությունը կատարվել է Սիրողական ֆուտբոլիստի և/կամ Ակումբի նախաձեռնությամբ:

4. Սիրողական ֆուտբոլիստի մարզումային փոխհատուցումը վճարելու պարտավորությունը որևէ պատճառաբանությամբ չի կարող դրվել նրա ծնողների և/կամ երրորդ անձի վրա:

5. Առանձին դեպքերում, երբ Սիրողական ֆուտբոլիստի տեղափոխությունը հետևանք է նախկին Ակումբի կողմից ոչ մարզական, հակամանկավարժական և այլ անթույլատրելի դրսևորումների, ՀՖՖ-ի Խաղացողների կարգավիճակի և տեղափոխությունների կոմիտեն իրավասու է որոշում կայացնելու մարզումային փոխհատուցում չվճարելու վերաբերյալ:

Յոդված 4. Մարզումային փոխհատուցում վճարելու պարտավորությունը

1. Երբ խաղացողն առաջին անգամ գրանցվում է իբրև Պրոֆեսիոնալ, ապա նրան գրանցող Ակումբը պարտավոր է 30-օրյա ժամկետում մարզումային փոխհատուցում վճարել բոլոր այն ակումբներին, որտեղ գրանցված է եղել խաղացողը (համաձայն Ֆուտբոլիստի Անձնագրում նկարագրված կարիերայի պատմության)՝ սկսած նրա 12 տարին լրանալու Մրցաշրջանից: Ակումբին(ներին) վճարման ենթակա գումարները հաշվարկվում են համամասնության սկզբունքով՝ համաձայն տվյալ ակումբում խաղացողի մարզման ժամանակահատվածի: Գրանցող Ակումբը պարտավոր է վճարման անդորրագիրը(րերը) ներկայացնել ՀՖՖ վերը նշված 30-օրյա ժամկետում:

2. Պրոֆեսիոնալ ֆուտբոլիստի հետագա համապատասխան տեղափոխության դեպքում մարզումային փոխհատուցում պետք է վճարվի միայն նրա նախկին Ակումբին՝ տվյալ Ակումբում խաղացողի արդյունավետ մարզման ժամանակահատվածի համար:

3. Սիրողական ֆուտբոլիստին գրանցել ցանկացող Ակումբը պարտավոր է մարզումային փոխհատուցում վճարել խաղացողի նախկին Ակումբին՝ տվյալ Ակումբում խաղացողի արդյունավետ մարզման ժամանակահատվածի համար: Վճարման անդորրագիրը ներկայացվում է ՀՖՖ գրանցման դիմումի հետ միասին:

4. Ներքին տեղափոխության դեպքում, երբ Պրոֆեսիոնալ ֆուտբոլիստին առաջին անգամ գրանցող Ակումբի և նրան մարզած, կրթած որևէ Ակումբի(ների) միջև կապ չի հաստատվում կամ այդ Ակումբը(ները) ի հայտ չեն գալիս խաղացողի գրանցման 3 ամիսների ընթացքում, ապա Մարզումային փոխհատուցումը վճարվում է ՀՖՖ-ին՝ մանկապատանեկան ֆուտբոլի զարգացման ծրագրերի իրագործման նպատակով:

5. Միջազգային տրանսֆերի դեպքում (Պրոֆեսիոնալ ֆուտբոլիստի), եթե խաղացողին գրանցող Ակումբի և նրան մարզած, կրթած որևէ Ակումբի(ների) միջև կապ չի հաստատվում կամ այդ Ակումբը(ները) ի հայտ չեն գալիս խաղացողի՝ գրանցված լինելու 18 ամիսների ընթացքում, ապա Մարզումային փոխհատուցումը վճարվում է այն երկրի(ների) Ասոցիացիային(ներին), որտեղ պրոֆեսիոնալը մարզվել է՝ մանկապատանեկան ֆուտբոլի զարգացման ծրագրերի իրագործման նպատակով:

Յոդված 5. Մարզումային ծախսեր

1. Մարզումային ծախսերը խաղացողների մարզումը և զարգացումն ապահովելու նպատակով Ակումբի կողմից տարեկան կտրվածքով կատարած ուղղակի ներդրումներն են՝ "ֆուտբոլիստի գործոն"-ի միջին հաշվարկով: "Ֆուտբոլիստի գործոն"-ը ընդհանուր մարզվողների և պատրաստված Պրոֆեսիոնալ ֆուտբոլիստների քանակի հարաբերակցությունն է:

2. Միջազգային տրանսֆերի դեպքում մարզումային փոխհատուցումը հաշվարկվելու նպատակով ակումբները, ըստ մարզումային ծախսերի, ՖԻՖԱ-ի կողմից դասակարգված են 4

կատեգորիաների, որը հրապարակված է ՖԻՖԱ-ի վեբկայքում և սույն կանոնակարգի հավելված 7-ում:

3. Ներքին տեղափոխությունների համար ՀՖՖ ակումբները, ըստ մարզումային ծախսերի, ՀՖՖ-ի կողմից դասակարգված են ևս 4 կատեգորիաների, որը նույնպես հրապարակված է սույն կանոնակարգի հավելված 7-ում:

4. Ակումբների դասակարգումը և մարզումային ծախսերը անհրաժեշտության դեպքում կարող են վերանայվել յուրաքանչյուր օրացուցային տարվա վերջում:

Հոդված 6. Մարզումային փոխհատուցման հաշվարկը

1. Որպես կանոն, խաղացողի նախկին Ակումբին(ներին) վճարվելիք մարզումային փոխհատուցումը հաշվարկելու համար անհրաժեշտ է վերցնել այն ծախսերը, որոնք կկատարվեին նոր Ակումբի կողմից տվյալ խաղացողին մարզելու դեպքում:

2. Երիտասարդ խաղացողների մարզումային փոխհատուցման անհիմն բարձր գումարներից խուսափելու համար, 12-15 տ. ընթացքում (4 խաղաշրջան) նրանց մարզումային ծախսերը հաշվարկվում են 4-րդ կարգի Ակումբների մարզումային ծախսերին համապատասխան:

3. Հետևաբար, առաջին անգամ որպես Պրոֆեսիոնալ գրանցվելիս վճարվելիք մարզումային փոխհատուցումը հաշվարկվում է հետևյալ հանրագումարով.

ա/ 4-րդ կարգի Ակումբի մարզումային ծախսերը՝ բազմապատկած խաղացողի 12-ից մինչև 15 տարեկան դառնալու ընթացքում մարզումների տարիների թվով,

բ/ Նոր Ակումբի մարզումային ծախսերը՝ բազմապատկած խաղացողի 16-ից մինչև 21 տարեկան դառնալու ընթացքում մարզումների տարիների թվով:

4. Խաղացողների հետագա տրանսֆերների (տեղափոխության) դեպքում մարզումային փոխհատուցման հաշվարկը հիմնվում է նոր Ակումբի մարզումային ծախսերի վրա՝ բազմապատկած նախկին Ակումբում մարզված տարիների թվով:

5. Երբ նախկին և նոր Ակումբները պայմանավորվել են Պրոֆեսիոնալ ֆուտբոլիստի (խաղացողի) տեղափոխության վերաբերյալ, ապա փոխհատուցման գումարը չի կարող լինել պակաս, քան մարզումային փոխհատուցման գումարը:

6. ՀՖՖ-ն/ՖԻՖԱ-ն կարող է քննարկել վճարման ենթակա մարզումային փոխհատուցման գումարի չափին վերաբերող վեճերը և հստակեցնել այդ գումարը, եթե ակնհայտ է, որ այն չի համապատասխանում քննարկվող դեպքին:

Համերաշխության մեխանիզմը

Յոդված 1. Համերաշխության բաշխում

1. Եթե Պրոֆեսիոնալ ֆուտբոլիստն իր պայմանագրի գործողության ընթացքում տեղափոխվում է, ապա նախկին Ակումբին վճարվող ցանկացած փոխհատուցման գումարի 5%-ը (բացառությամբ մարզումային փոխհատուցումից) պետք է հանվի այդ փոխհատուցման ընդհանուր գումարից և նոր Ակումբի կողմից որպես Համերաշխության գումար բաշխվի բոլոր այն ակումբներին, որոնք տարիների ընթացքում զբաղվել են խաղացողի մարզմամբ ու կրթմամբ:

2. Այս Համերաշխության բաշխումն արտացոլում է այն տարիները (համապատասխան հաշվարկով, եթե 1 տարուց պակաս է), երբ խաղացողը գրանցված է եղել համապատասխան Ակումբում(ներում) 12-23 տարեկան հասակում՝ հետևյալ կարգով.

- 12 տարեկան 5% (այսինքն՝ փոխհատուցման ամբողջ գումարի 0.25%-ը)
- 13 տարեկան 5% (այսինքն՝ փոխհատուցման ամբողջ գումարի 0.25%-ը)
- 14 տարեկան 5% (այսինքն՝ փոխհատուցման ամբողջ գումարի 0.25%-ը)
- 15 տարեկան 5% (այսինքն՝ փոխհատուցման ամբողջ գումարի 0.25%-ը)
- 16 տարեկան 10% (այսինքն՝ փոխհատուցման ամբողջ գումարի 0.5%-ը)
- 17 տարեկան 10% (այսինքն՝ փոխհատուցման ամբողջ գումարի 0.5%-ը)
- 18 տարեկան 10% (այսինքն՝ փոխհատուցման ամբողջ գումարի 0.5%-ը)
- 19 տարեկան 10% (այսինքն՝ փոխհատուցման ամբողջ գումարի 0.5%-ը)
- 20 տարեկան 10% (այսինքն՝ փոխհատուցման ամբողջ գումարի 0.5%-ը)
- 21 տարեկան 10% (այսինքն՝ փոխհատուցման ամբողջ գումարի 0.5%-ը)
- 22 տարեկան 10% (այսինքն՝ փոխհատուցման ամբողջ գումարի 0.5%-ը)
- 23 տարեկան 10% (այսինքն՝ փոխհատուցման ամբողջ գումարի 0.5%-ը):

3. Ներքին տեղափոխությունների դեպքում Համերաշխության գումարի հաշվարկ և բաշխում չի իրականացվում:

Յոդված 2 Վճարման ընթացակարգը

1. Համաձայն նախորդ հոդվածում նշված պայմանների՝ նոր Ակումբը պետք է վճարի համերաշխության գումարը ֆուտբոլիստին մարզող Ակումբին(ներին) խաղացողի գրանցումից ոչ ուշ, քան 30 օրվա, իսկ հանգամանքներից կախված կամ հետաձգված վճարումների դեպքում՝ այդպիսի վճարումներից հետո 30 օրվա ընթացքում:

2. Նոր Ակումբը պատասխանատվություն է կրում Համերաշխության գումարի հաշվարկման և բաշխման համար՝ համաձայն Ֆուտբոլիստի անձնագրում նշված կարիերայի պատմության: Անհրաժեշտության դեպքում ֆուտբոլիստը պետք է աջակցի նոր Ակումբին այս պարտավորությունների կատարման գործում:

3. Եթե Պրոֆեսիոնալ ֆուտբոլիստի նոր և նրան մարզած Ակումբներից որևէ մեկի միջև կապ չի հաստատվում նրա տեղափոխության 18 ամիսների ընթացքում, ապա Համերաշխության գումարը պետք է վճարվի այն երկրի Ասոցիացիային(ներին), որտեղ Պրոֆեսիոնալը մարզվել է մանկապատանեկան ֆուտբոլի զարգացման ծրագրերի իրագործման նպատակով:

Մարզումային ծախսերն ըստ կարգերի

Ակումբի կարգը	Միջազգային տրանսֆեր (Եվրո)	Ներքին տեղափոփություն (դրամ)
1-ին կարգ	90 000	80 000
2-րդ կարգ	60 000	60 000
3-րդ կարգ	30 000	40 000
4-րդ կարգ	10 000	20 000

Ակումբների բաշխումն ըստ կարգերի

Ակումբի անվանումը	Վայրը	կարգը	
		Միջազգային տրանսֆեր	Ներքին տեղափոխություն
«Փյունիկ» ՖԱ	Երևան	3	1
«Բանանց» ՖԱ	Երևան	3	1
«Միկա» ՖԱ		3	1
«Արարատ» ՖԱ	Երևան	4	2
«Գանձասար» ՖԱ	Կապան	4	2
«Կիլիկիա» ՖԱ	Երևան	4	2
«Շիրակ» ՖԱ	Գյումրի	4	2
«Ուլիս» ՖԱ	Երևան	4	2
«Լ.Արցախ» ՖԱ	Գորիս	4	2
«Դինամո» ՖԱ	Երևան	4	3
«Հայ-Արի» ՖԱ	Երևան	4	3
«Եզերք» ՖԱ	Նոյեմբերյան	4	3
«Շենգավիթ» թ.2 ՈւՄՀ	Երևան	4	3
«Էրեբունի» թ.1 մ/դպ	Երևան	4	3
«ՕՂՊՄԲ»	Երևան	4	3
«Մետալուրգ» ՖԱ	Ալավերդի	4	3
Վեդիի մ/դպ	Վեդի	4	3
Արթիկի մ/դպ	Արթիկ	4	3
Մնացած բոլոր ակումբները, թիմերը, մ/դպրոցները և այլն	-	4	4

Ֆուտզալի խաղացողների կարգավիճակի և տեղափոխության կանոնները

Հոդված 1. Ընդհանուր դրույթներ

1. Ֆուտզալ խաղացողների կարգավիճակի և տեղափոխության կանոնները հաստատում են գլոբալ և պարտադիր դրույթներ ֆուտզալ խաղացողների կարգավիճակի, կազմակերպված ֆուտբոլին մասնակցելու նրանց իրավունքի և տեղափոխման վերաբերյալ:
2. ՀՖՖ-ի և ՖԻՖԱ-ի ֆուտբոլիստների կարգավիճակի և տեղափոխության կանոնակարգերը վերաբերում են նաև ֆուտզալ խաղացողներին, եթե սույն հավելվածում և ՖԻՖԱ-ի ֆուտբոլիստների կարգավիճակի և տեղափոխության կանոնակարգի հավելված 6-ում գետեղված որևէ տարամետ դրույթ չի նախատեսում ֆուտզալին վերաբերող մեկ այլ կանոն:

Հոդված 2. Խաղացողների գրանցումը

1. Խաղացողը միևնույն ժամանակահատվածում կարող է գրանցվել միայն մեկ ֆուտզալի Ակումբում: Խաղացողը, այնուամենայնիվ իրավասու է գրանցվել նաև միևնույն կամ այլ ասոցիացիային պատկանող ֆուտբոլային Ակումբում ևս:

Հոդված 3. Պայմանագրի դրույթների պահպանումը

1. Ֆուտբոլային Ակումբի հետ պայմանագիր կնքած պրոֆեսիոնալ խաղացողը կարող է երկրորդ պրոֆեսիոնալ պայմանագիր կնքել մեկ այլ ֆուտզալի Ակումբի հետ, եթե նա ունի ֆուտբոլային Ակումբի կողմից տրամադրված գրավոր համաձայնություն: Ֆուտզալի Ակումբի հետ պայմանագիր ունեցող խաղացողը կարող է երկրորդ պայմանագիրը կնքել մեկ այլ ֆուտբոլային Ակումբի հետ, եթե նա ունի ֆուտզալի Ակումբի կողմից տրամադրված գրավոր համաձայնություն:

Հոդված 4. Միջազգային տրանսֆերային վկայական

1. Ֆուտզալի USU-ի ձևը պետք է տարբերվի ֆուտբոլում կիրառվող USU-ից՝ ՄՖՏՍ:

Հոդված 5. Կարգապահական պատժամիջոցների կիրառումը

1. Խաղացողի ֆուտզալում ստացած որակազրկումը և այլ պատժամիջոցները տարածվում են միայն նրա ֆուտզալի մասնակցության վրա: Նմանապես, ֆուտբոլում խաղացողի նկատմամբ կիրառված որակազրկումը և այլ պատժամիջոցները պետք է ազդեն միայն իր ֆուտբոլային ակումբի խաղերին ունեցած մասնակցության վրա:
2. Ժամկետային որակազրկումն ու պատժամիջոցը (որակազրկում որոշակի ժամկետով) ազդում են խաղացողի մասնակցությանը թե՛ ֆուտզալի և թե՛ ֆուտբոլային հանդիպումներին իր ակումբի(ների) կազմում, անկախ այն հանգամանքից՝ խախտումը գրանցվել է ֆուտզալում կամ ֆուտբոլում:
3. Ասոցիացիան պարտավոր է յուրաքանչյուր ժամկետային պատժամիջոցի մասին տեղեկացնել մյուս ասոցիացիային, եթե խաղացողը գրանցված է երկու տարբեր ասոցիացիաներին պատկանող ֆուտզալի և ֆուտբոլային Ակումբներում:

Պատասխանատվությունը կանոնակարգի դրույթները խախտելու համար

Սույն կանոնակարգի դրույթները խախտելու համար էտաղացողների կարգավիճակի և տեղափոխության կոմիտեն կարող է կիրառել հետևյալ պատժամիջոցները.

1. Ֆուտբոլիստի կողմից միևնույն ժամանակահատվածի համար մեկից ավելի աշխատանքային պայմանագրեր կնքելու համար`
 - որակազրկում 3-12 ամիս ժամկետով և/կամ
 - տուգանք մինչև 150000 դրամի չափով:
2. Ֆուտբոլիստի կողմից գործող պայմանագրի ավարտից 6 ամսից շուտ նոր Ակումբի հետ բանակցություններ վարելու համար`
 - որակազրկում 1-6 ամիս ժամկետով և/կամ
 - տուգանք մինչև 100000 դրամի չափով :
3. Ֆուտբոլիստի գրանցման կարգը խախտելու համար`
 - գրանցումն անվավեր ճանաչել և/կամ
 - զրկել Ակումբին նոր ֆուտբոլիստներ գրանցելու իրավունքից 1-6 ամիս ժամկետով և/կամ
 - տուգանք մինչև 150000 դրամի չափով:
4. Ակումբի կողմից ֆուտբոլիստի հետ աշխատանքային պայմանագրի կնքման կարգը խախտելու դեպքում`
 - տուգանք մինչև 150000 դրամի չափով:
5. Ակումբի կողմից աշխատանքային պայմանագիրը սահմանված ժամկետում գրանցման չներկայացնելու դեպքում`
 - տուգանք յուրաքանչյուր ուշացված օրվա համար 1000 դրամի չափով:
6. Ակումբի կողմից ֆուտբոլիստի տեղափոխության պայմանագրի պայմանները և/կամ ֆուտբոլիստի հետ կնքված աշխատանքային պայմանագրի պարտավորությունները խախտելու դեպքում`
 - տուգանք Ակումբին մինչև 300 000 դրամի չափով և/կամ
 - արգելք Ակումբին` գրանցելու նոր ֆուտբոլիստներ և համապատասխանաբար տեղափոխության պայմանագրեր մինչև 12 ամիս ժամկետով:
7. “Վարձակալող “ Ակումբի կողմից ֆուտբոլիստի “վարձակալության” պայմանով տեղափոխության պայմանագրի պայմանները և/կամ այդ ֆուտբոլիստի հետ կնքված աշխատանքային պայմանագրի պարտավորությունները խախտելու դեպքում`
 - տուգանք Ակումբին մինչև 300 000 դրամի չափով և/կամ
 - արգելք Ակումբին` գրանցելու “վարձակալության” պայմանով նոր ֆուտբոլիստներ և համապատասխանաբար “վարձակալության” պայմանով տեղափոխության պայմանագրեր մինչև 12 ամիս ժամկետով:
8. Ակումբի կողմից Մարզումային Փոխհատուցման վճարումների ժամկետի խախտման դեպքում`

- մրցաշարային միավորների նվազեցում՝ (Կարգապահական կոմիտեի որոշմամբ) և/կամ
 - արգելք Ակումբին գրանցելու նոր ֆուտբոլիստներ և համապատասխանաբար տեղափոխության պայմանագրեր մինչև 12 ամիս ժամկետով:
9. Խաղացողների Կարգավիճակի և Տեղափոխության Կոմիտեի որոշումների ժամանակին չկատարման դեպքում՝
- տուգանք մինչև 500000 դրամի չափով և/կամ
 - մրցաշարային միավորների նվազեցում՝ (Կարգապահական կոմիտեի որոշմամբ) և/կամ
 - զրկում առաջնությանը մասնակցելու իրավունքից:
10. Ակումբի կողմից պայմանագիրը առանց հիմնավոր դրդապատճառների խախտելու կամ ֆուտբոլիստին պայմանագրի խախտում դրդելու դեպքում՝
- արգելք Ակումբին գրանցելու նոր ֆուտբոլիստներ 3-ից 12 ամիս ժամկետով և/կամ
 - տուգանք Ակումբին մինչև 300 000 դրամի չափով:
11. Որևէ Ակումբի կողմից այլ Ակումբին կամ ֆուտբոլիստին պայմանագիրը խախտելու դրդման դեպքում՝
- արգելք Ակումբին գրանցելու նոր ֆուտբոլիստներ 3-ից 12 ամիս ժամկետով և/կամ
 - տուգանք Ակումբին մինչև 300 000 դրամի չափով:
12. Պրոֆեսիոնալ ֆուտբոլիստի կողմից Պաշտպանված ժամանակահատվածի ընթացքում իր նախաձեռնությամբ առանց հիմնավոր դրդապատճառների պայմանագրի վաղաժամ լուծման դեպքում՝
- Կազմակերպված Ֆուտբոլին մասնակցելու իրավունքից զրկում 4-ից 6 ամիս ժամկետով և/կամ
 - տուգանք մինչև 150000 դրամի չափով:
13. Ֆուտբոլիստների գործակալի կողմից սույն Կանոնակարգի կամ գործակալի գործունեությունը կարգավորող այլ իրավական ակտերի դրույթների խախտման դեպքում՝
- զգուշացում և/կամ
 - արտոնագրի զրկում և/կամ
 - տուգանք մինչև 300 000 դրամի չափով:
14. Ակումբի կողմից այլ Ակումբին փոխհատուցման վճարման պարտավորությունները և/կամ գործակալի հետ կնքված պայմանագրի դրույթները չկատարելու դեպքում՝
- տուգանք Ակումբին մինչև 500000 դրամի չափով և/կամ
 - արգելք Ակումբին գրանցելու նոր ֆուտբոլիստներ 3-ից 12 ամիս ժամկետով:
15. Ակումբի կողմից համերաշխության մեխանիզմի խախտման դեպքում՝
- տուգանք Ակումբին մինչև 500000 դրամի չափով և/կամ
 - արգելք Ակումբին գրանցելու նոր ֆուտբոլիստներ 3-ից 12 ամիս ժամկետով:
16. Սույն Կանոնակարգի հավելված 1-ի դրույթները խախտման դեպքում՝
- զգուշացում և/կամ
 - տուգանք մինչև 500000 դրամի չափով և/կամ
 - տեխնիկական պարտության գրանցում այն խաղի(երի) համար, որին մասնակցել է ֆուտբոլիստը, և որով Ակումբը սահմանափակել է նրա մասնակցությունը ազգային հավաքական թիմերում:
17. Ֆուտբոլիստի Անձնագրի կորստի դեպքում՝
- տուգանք Ակումբին 5000 դրամի չափով:

18. Խաղացողի Մարզումային Փոխհատուցումը վճարելու պարտավորությունը նրա ծնողների և/կամ երրորդ անձանց վրա դնելու դեպքում՝
- տուգանք Ակումբին 150000 դրամի չափով:

Սույն հավելվածով նախատեսված տուգանքները վճարման ենթակա են ՀՖՖ որոշում կայացման պահից 30 օրվա ընթացքում: